

萬 有 文 庫

第二集七百種

王 雲 五 主 編

萬曆重修二百二十八卷本

明 會 典

(二十二)

申時行等重修

商務印書館發行

本於八十二百二修重曆萬

典 會 明

(二十二)

終重等行時中

書第廿第卷四

明會典卷之一百十一 禮部六十九

【給賜二】

朝廷給賜番夷及官員人等。或出特恩。或夷人求討。或禮部酌請。其例不一。今具列其可考者于後。

洪武二十六年定。凡諸番四夷朝貢人員。及公侯官員人等。一切給賜。如往年有例者。止照其例。無例者。斟酌高下等第。題請定奪。然後禮部官具本奉聞。關領給賜。○凡賞賜金銀鈔錠。疋帛之類。金銀請長隨內官關領。疋帛係內承運庫收貯。冠帶衣靴係工部。工部官收掌。鈔錠係戶部官分投關領。其物或於奉天門。或奉天殿丹陛。或華蓋殿。用卓頓放。引受賜人朝北立。置物於前。受賜人叩頭畢。以物授之。如多至十人。百人。則先以所賜之物。唱名分授。各人行列叩頭畢。於該科出帖赴午門倒換勘合。照出所賜之物。復令次日謝恩。近年賞賜公侯官員人等。於會極門頒給。

【外夷上】東南 北 東北

朝鮮國。洪武間。賜國王。大統曆。及錦繡絨綺。王母妃。金綺紗羅。相國等官。綵段紗羅。又賜廟社樂器。永樂間。給國王。冕服九章。圭玉。佩玉。五經。四書。春秋。會通。大學。衍義等書。王父紵絲紗羅。妃珠翠七翟冠。紅紵絲大衫。素紵絲圓領。霞帔。金墜。又給綾絹。茄藍香帽珠。鍍金銀。犀象牙犀角。通鑑綱目。列女傳等書。臚磨。

沉檀、白花蛇等藥。又賜編鐘、編磬各十六。瑟、笙各二。琴、簫倍之。正統間，給遠遊冠、絳紗袍、翼善冠、龍袞、玉帶。本國奏請弓材牛角，准歲買五十枝。又准歲買弓面二百，不得過數。嘉靖中，奏請收買樂律及行太常寺校定，令御用監製十二管給之。○差來進貢陪臣，賞緞金紵絲衣一套，綵段四表裏，絹五疋，書狀通事押物等官，每人素紵絲衣一套，綵段二表裏，絹二疋，布一疋。從人絹衣一套，布一疋。陪臣以下，各靴襪一雙。差來謝恩者，賞同。○差來奏事陪臣，賞緞金羅衣一套，綵段二表裏，絹二疋，通事每人素羅衣一套，綵段一表裏，布二疋。從人絹衣一套，布一疋。靴襪同前。○送回人口，給賜國王銀一百兩，錦四段，紵絲十二表裏，寫勅獎勵。○漂流夷人到京，給薪米外，仍各給胖襖一件，韃鞋一雙。如夏月，改給木綿布衣二件。日本國永樂間，賜國王冠服，紵絲紗羅金銀古器書畫等物。宣德十年，回賜國王，紵絲二十表裏，紗羅各八疋，錦二段，銀二百兩。妃銀一百兩。成化二十年，回賜國王，紵絲二十表裏，紗羅各二十疋，錦四段，銀二百兩。王妃，紵絲十表裏，紗羅各八疋，錦二段，銀一百兩。○差來正副使，每員金欄袈裟一領，鍍金銀鈎環全羅直裰一件，羅襦衫一件，紵絲二疋，紗羅各一疋，絹六疋，銅錢一萬文，靴襪各一雙。居座以下，上官從僧、通事，從人有差。○正貢外，使臣自進并官收買附來貨物，俱給價，不堪者，令自貿易。

琉球國，洪武十六年，賜國王文綺等物。山南王亦如之。後賜中山王、山南王、山北王，紵絲紗羅冠服。王妃紵絲羅。王姪、王相、寨官絹公服。後又回賜國王，錦四段，紵絲羅各六疋，紗八疋。王妃，錦二段，紵絲紗各四

正。○差來王舅。綵段四表裏。羅四疋。紗帽一頂。鈹花金帶一條。織金紵絲衣一套。靴鞮各一雙。長史使者。每員綵段二表裏。折鈔綿布二疋。通事。每員綵段一表裏。折鈔綿布二疋。從人。每名折鈔綿布二疋。留邊使者。通事從人。賞同。○正貢外。附來貨物。官抽五分。買五分。

安南國。洪武元年。賜國王大統曆。及綵段等物。景泰二年。照朝鮮國。宣德十年。例給賜綵段十表裏。錦四段。嘉靖二十年。改都統使。令廣西布政司。每年印給大統曆一千本。二十一年。令都統使。仍照安南國王。例給賞。萬曆四年。以慶謝補貢。回賜。例外加綵段四表裏。錦二段。○差來陪臣。每員綵段二表裏。紗羅各一疋。織金紵絲衣一套。折鈔絹五疋。靴鞮各一雙。行人。從人有差。

真臘國。洪武六年。賜國王大統曆。及綵段等物。景泰三年。賜王。錦一段。紵絲六疋。紗羅各四疋。王妃。紵絲四疋。紗羅各三疋。○差來頭目。并通事。總管。火長。衣服。紵絲。絹。布。有差。

暹羅國。洪武間。賜國王大統曆。及織金紵絲紗羅等物。永樂十五年。給王。錦四疋。紵絲紗羅各十疋。內各織金四疋。王妃。紵絲紗羅各六疋。內各織金二疋。宣德間。各減半。正統以後。俱照永樂十五年例。○正副使臣。初到。每人織金羅衣一套。靴鞮各一雙。未經冠帶者。給紗帽素金帶。先會到京冠帶者。換給鈹花金帶。正賞。紵絲羅各四疋。折鈔絹二疋。綿布一疋。織金紵絲衣一套。通事人等。初到。每人素羅衣一套。靴鞮各一雙。未經冠帶者。給紗帽素銀帶。先會到京冠帶者。換給鈹花銀帶。正賞。紵絲羅各二疋。折鈔絹一疋。

素紵絲衣一套。番伴初到。每人絹衣一套。靴鞮各一雙。正賞折鈔綿布一疋。胖襖袴鞋各一副。其存留廣東。有進貢者頭目人等。每人賞素紵絲衣一套。紵絲羅各二疋。從人。每人紵絲絹衣一套。紵絲一疋。番伴人等。每人折鈔綿布一疋。胖襖褲鞋各一副。○使臣人等進到貨物。例不抽分。給與價鈔。

占城國。洪武二年。賜國王。大統曆。使臣文綺紗羅各一疋。仍給冠帶。永樂元年。賜國王。綿二疋。紵絲六疋。紗羅各四疋。王妃。紵絲四疋。紗羅各三疋。後照此例。○差來王弟。王孫。初到。賞織金羅衣。并紵絲衣。各一套。正賞紵絲六疋。紗羅各四疋。紵絲衣一套。折鈔絹二疋。正副使。初到。每人織金羅衣一套。正賞綵段四表裏。絹二疋。折衣綵段二表裏。正副通事。至正象奴等。初到。每人賞素羅衣一套。正賞綵段二表裏。折鈔絹一疋。折衣綵段一表裏。從人。初到。每人絹衣一套。正賞折鈔綿布一疋。折衣絹四疋。俱與靴鞮各一雙。其正副使通事人等。給賜冠帶。及給換例與暹羅國同。正將士大頭目。及舍人辦事火長總管幹事各項。正者。每名各烏紗帽一頂。黑角帶一條。

爪哇國。永樂初。賜東西王。紵絲。紗羅。帳幔。手巾。羊酒。器皿。王妃。紵絲。紗羅。手巾等物。正統三年。賜王。紵絲十疋。紗羅各三疋。妃。紵絲六疋。紗羅各二疋。景泰三年。因王求討。給傘蓋一把。蟒龍衣服一領。○使臣通事。頭目人等。初到。賞織金素羅衣服。靴鞮。正賞紵絲。紗羅。絹布。女使并女頭目俱同。○貢物給價。彭亨國。洪武十一年。賜國王。王妃。紵絲。紗羅。共四十八疋。使臣織金綵段衣服。有差。

百花國。洪武十一年。賜國王及使者。織金綵段紗羅衣服有差。

三佛齊國。洪武四年。賜國王大統曆。及綵段紗羅。使臣紗羅。綵段有差。六年。賜國王綵段紗羅。二十四疋。正使三人各二疋。衣一套。副使二人各一疋。通事以下布帛有差。十年。給王及使臣。織金綵段紗羅靴鞮等物。有差。

淳泥國。洪武四年。賜國王。織金綵段紗羅。及使者綺帛。有差。永樂六年。王來朝。給冠帶襲衣。王子襲封還國。賜金鑲玉帶一條。金百兩。銀三千兩。及錢鈔錦綺羅衾褥帳幔器皿等物。王母。王叔以下。各有賜。○正貢外。附帶貨物。俱給價。

蘇門答刺國。永樂三年。賜國王綵段襲衣。宣德六年。賜錦二段。紗羅各四疋。絹十三疋。妃。紵絲五疋。紗羅各四疋。絹六疋。進馬四。賜綵段二十表裏。後照此例。正使賞綵段五表裏。紗羅各一疋。折鈔絹四疋。通事頭目使臣妻等。各賞有差。○正貢外。使臣人等自進物。俱給價。

蘇祿國。永樂間。賜國王紗帽。金鑲玉帶。鍍花金帶。金蟒龍等衣服。金銀錢鈔珍珠錦紵絲紗羅器皿鋪陳等物。王妃。冠服銀錢鈔紵絲等物。王男女親戚頭目使女冠帶衣服諸物。各有差。○貨物例給價。免抽分。西洋瑣里國。洪武三年。以其國來朝。涉海道遠。賜賚甚厚。永樂元年來朝。附載胡椒等物。皆免稅。

瑣里國。洪武五年。賜國王大統曆。及織金綵段紗羅各四疋。使臣綵段紗羅各二疋。廉從。高麗布各二疋。

古里國永樂間賜國王王妃紵絲紗羅等物。

淡巴國洪武十年賜國王織金綵段紗羅使臣綵段襲衣等物有差。

滿刺加國永樂三年賜國王綵段襲衣九年王來朝賜錦繡龍衣二套麒麟衣二套及金銀器卅幃帳裯

褥王妃及其子姪陪臣僉從綵段紗羅襲衣有差王還國賜金鑲玉帶一條儀仗一副鞍馬二匹金百兩

銀五百兩鈔四十萬貫銅錢二千六百貫錦綺紗羅三百疋絹一千疋金綺二疋織金文衣二件王妃冠

服一副及銀鈔錦綺紗羅等物陪臣賞賜有差以後定例回賜國王綵段十表裏紗羅各四疋錦二疋王

妃綵段五表裏紗三疋差來正副使并頭目初到每人賞織金羅衣一套靴鞵各一雙正賞綵段四表裏

紗羅各二疋折鈔絹四疋織金紵絲衣一套通事總管人等初到每人素羅衣一套靴鞵各一雙正賞綾

三疋折鈔絹六疋素紵絲衣一套番伴初到每人絹衣一套靴鞵各一雙正賞折鈔絹二疋綿布二疋胖

襖褲鞋各一副其正副使通事人等給賜冠帶及給換例與暹羅國同○正貢外附來貨物皆給價其餘

貨物許令貿易。

娑羅國永樂四年賜國王紵絲紗羅共十六疋織金大紅錦手巾一副王妃紵絲紗羅共八疋正副使并

從人鈔紵絲羅并衣服靴鞵。

阿魯國永樂五年差中官給賜頭目紵絲紗羅共十疋。

小葛蘭國。永樂五年。差中官給賜頭目。紵絲紗羅共十一疋。

榜葛刺國。永樂二年。賜國王紵絲紗羅各四疋。絹八疋。王妃紵絲紗羅各三疋。絹六疋。十二年。給國王錦四段。綾六十疋。頭目人等。給賞有差。

錫蘭山國。宣德八年。賜國王紵絲十八疋。紗四疋。王妃。紵絲八疋。紗四疋。正使。正賞。綵段八表裏。折鈔絹十疋。紗羅三疋。緞金紵絲衣一套。副使。正賞。綵段四表裏。折鈔絹七疋。紗羅各二疋。緞金紵絲衣一套。通事番伴人等。給賞有差。○使臣人等。自進物。俱給價。

呂宋國。洪武五年。賜國王緞金綵段紗羅。使臣并從人。俱與瑣里國同。萬曆四年。以助討逋賊。正賞外。加賜如朝鮮國送回人口例。

迤北韃靼。及瓦剌。永樂。宣德中。賜瓦剌順寧王綵段十表裏。妃五表裏。頭目一等者五表裏。二等至四等者。四表裏。正統二年。賜韃靼虜王綵段十五表裏。虎斑絹十疋。妃八表裏。頭目一等八表裏。二等六表裏。三等五表裏。四等四表裏。外有加賜。六年。賜迤北太師。段絹與虜王同。其妻每口五表裏。一等。二等數內。頭目每人加賜緞金綵段一表裏。天順以後。一等。二等者。不加賜。三等者。俱二表裏。差來正副使。每人賞緞金衣一套。靴鞵各一雙。其後定例。一等正副使。每人綵段六表裏。絹五疋。二等使臣。綵段四表裏。絹三疋。三等綵段二表裏。絹二疋。四等綵段一表裏。絹一疋。俱與紵絲衣一套。紅氍帽一頂。靴鞵各一雙。數內。

婦女不與紅氈帽。使臣自進中等馬。每匹綵段二表裏。折鈔絹二疋。下等馬。綵段一表裏。絹八疋。折鈔絹一疋。下等馬。綵段一表裏。絹六疋。折鈔絹一疋。帶進在彼頭目馬匹。不分等第。每匹綵段二表裏。○給賜在彼頭目一等。每人綵段八表裏。二等六表裏。三等三表裏。四等二表裏。內一等。二等緊要頭目。加賜織金綵段一表裏。○回賜永樂九年。回賜順寧等王。上等馬者。各綵段十表裏。海青一連。四表裏。白狐皮二十七箇。四表裏。宣德間。回賜順寧王及使臣人等進馬。中等者。每匹綵段二表裏。折鈔絹二疋。下等者。紵絲一疋。絹八疋。折鈔絹一疋。下下者。絹六疋。折鈔絹一疋。駝。每隻三表裏。折鈔絹十疋。中途寄留倒死。新生駒馬。每匹絹三疋。折鈔絹半疋。駝。每隻絹六疋。折鈔絹一疋。海青一連。一表裏。銀鼠皮二百箇。十二表裏。貂鼠皮二箇。絹一疋。青鼠皮十箇。絹一疋。土豹一箇。絹七疋半。正統元年。回賜使臣銀鼠皮。每六箇。絹一疋。玉石每一斤。絹一疋。二年。回賜虜王及頭目使臣人等馬。每匹綵段二表裏。貂鼠皮五十箇。四表裏。使臣者。每二箇。絹二疋。銀鼠皮五十箇。二表裏。白兔皮三箇。絹一疋。白狐皮一箇。絹一疋。小廝一名。二表裏。三年。貂鼠皮。每十箇。綵段一表裏。四年。貂鼠皮。每三箇。絹一疋。使臣人等。到京續進馬。俱照下等馬。例回賜。五年。回賜銀鼠皮。與熟紅絹。六年。青鼠皮。每二十箇。絹一疋。使臣人等。馬分三等。虜王并太師馬。不分等。第八年。太師阿魯骨馬。每匹綵段六表裏。使臣馬。每匹四表裏。絹八疋。九年。進西馬者。每匹綵段五表裏。絹十疋。撒哈刺。每段絹九疋。十二年。阿魯骨馬。每匹四表裏。○求討在彼頭目。一等。二等。并三等。

內有係虜酋親及親信用事者俱請旨給賜弘治三年三等以下不給賜差來使臣自元年至三年四年俱有特賜○會同館開市禮部出給告示除違禁物不許貿易其段絹布疋聽於街市與官員軍民人等兩平買賣正統十年許買賣五日十二年許瓦刺使臣賣馬景泰元年許買銅湯瓶鍋紅纓鞍轡剪子等物。

順義王及套虜嘉靖三十年虜酋貢馬賞金頂大帽綵段衣服隆慶四年執叛人來獻賞綵段四表裏布一百疋五年虜酋順義王奉表獻鞍馬賞大紅蟒白澤各紵絲衣一襲綵段十五表裏妻大紅五綵紵絲衣二套綵段四表裏親弟及長子都督同知各綵段八表裏闍生絹二疋五綵紵絲衣一套木綿布四疋孫指揮使綵段五表裏織金紵絲衣一套絹布同各枝指揮同知千戶百戶等官各綵段三表裏織金紵絲衣一套絹一疋布同差來夷使內小頭目各綵段二表裏素紵絲衣一套布二疋散夷減素紵絲衣一段布同撰表夷賞如各枝例虜王賜勅獎諭是年虜王又遣使代套酋都督同知貢馬賞大紅白澤紵絲衣一襲綵段八表裏套酋都督同知及指揮同知以下并差來小頭目散夷各賞如例虜王仍賜勅獎諭又以套酋監市効勞賞綵段四表裏五綵紵絲衣一套次酋綵段二表裏織金紵絲衣一套六年虜王增獻鞍馬弓矢賞大紅蟒白澤獅子紵絲衣各一套綵段二十三表裏妻賞如例萬曆三年以虜王能約束諸部五年無警加賞銀三十兩紵絲蟒衣一襲綵段八表裏後每五年加賞一次又虜王虜官每技給勅一

道共七道。○回賜隆慶五年順義王進上馬三十四。每匹綵段二表裏。闔生絹一疋。以初貢加綵段一表裏。留邊馬四百七十九匹。聽該鎮支馬價銀五十兩給賞。套虜進上馬二十四。每匹綵段三表裏。闔生絹一疋。留邊馬一百八十四支。各鎮兵餉銀一千八百兩給賞。六年議准。上馬給段絹外。每匹加銀五兩。留邊馬每匹銀十兩。○崇討隆慶六年順義王奏請番經與金字經五部。墨字經五部。差番僧二人。齋赴虜庭。併爲傳誦。其差去番僧。先行順天府各給衣食銀十兩。差回給賜禪衣坐具。併紵絲番僧衣一套。靴襪各一雙。帶去番官綵段二表裏。木綿布四疋。

朶顏、福餘、秦寧三衛。差來并自來。都督賞綵段四表裏。絹二疋。都指揮綵段三表裏。絹二疋。指揮千百戶所鎮撫頭目。每人綵段二表裏。絹一疋。各織金紵絲衣一套。又各加綵段一表裏。舍人每人綵段二表裏。絹一疋。織金衣一套。達子每人綵段一表裏。絹一疋。素紵絲衣一套。婦女有進貢者。每人一表裏。絹一疋。紵絲女衣一套。隨來婦女一表裏。絹一疋。絹女衣一套。以上靴襪各一雙。奏事進貢。都指揮絹二疋。綵段三表裏。織金衣一套。指揮每人絹一疋。綿布一疋。綵段二表裏。紵絲衣一套。靴襪各一雙。舍人因事進貢者。每人綵段一表裏。織金衣一套。絹一疋。靴襪各一雙。嘉靖二十四年。以朶顏都督能鈴東夷人。不擾邊境。准與金帶及金頂大帽。○回賜自進并帶進馬匹。不分等第。每匹綵段二表裏。絹一疋。駝。每隻三表裏。絹十疋。在衛都督。都指揮。每員加賜綵段一表裏。○求討請旨量與物件。到京者。照名給散。在衛者。請勅

開付差來人領去。○領賞畢日。許於會同館開市三日。舖行人等。照例將貨入館。兩平交易。順天府仍行薊州、遵化等處。如三衛夷人。回還到彼。聽令兩平交易。每人許收買牛一隻。犁鏵一副。鍋一口。不許將違禁之物。私自夾賣。違者。巡按御史究治。

東北夷女直。進貢到京都督。每人賞綵段四表裏。折鈔絹二疋。都指揮每人綵段二表裏。絹四疋。折鈔絹一疋。各織金紵絲衣一套。指揮每人綵段一表裏。絹四疋。折鈔絹一疋。素紵絲衣一套。以上靴鞵各一雙。千百戶。鎮撫。舍人。頭目。每人折衣綵段一表裏。絹四疋。折鈔絹一疋。奏事來者。每人紵絲衣二件。綵段一表裏。折鈔絹一疋。靴鞵各一雙。嘉靖十年。奏准。女直進貢賞賜。視勅書官職爲降殺。其有洗改職銜者。將應得賞賜減一等。原無勅書者。止與舍人賞賜。各番夷倣此。四十三年。題准。女直正賞。綵段絹疋。俱准折給銀兩。○回賜進過馬。每匹。綵段二表裏。折鈔絹一疋。貂鼠皮。每四箇生絹一疋。零者。每箇布一疋。嘉靖六年。題准。馬價。綵段一疋。折給銀三兩。十三年。議准。俱與折給。○求討。弗提衛都督奏討冠帶蟒衣。欽賜大帽一頂。金帶一條。後又奏討。特與蟒衣一件。建州左衛都督奏討大帽金帶。亦准與。嘉靖三年。毛憐衛都督奏討大帽金帶。查已授職三年。准與。後未及三年者。皆立案。六年。令夷人止許穿用原賞花樣衣服。不許因而自行收買。如違買者。賣者皆治罪。後奏討蟒衣者。皆立案。○賞賜畢日。許於會同館開市三日。

明會典卷之一百一十二 禮部七十

【給賜三】

【外夷下】西

西域哈密。永樂四年。賜忠順王。紵絲六十疋。絹二百一十四疋。祖母。母。妃。各紵絲六疋。絹六疋。嫡母。紵絲四疋。絹四疋。六年。賜王。紵絲五十疋。絹二十疋。織金紵絲衣三套。皂鹿皮靴二雙。氈韉二雙。祖母。母。并妃。各綵段六表裏。成化三年。故忠順王外孫爲都督。賜銅印。并織金衣一套。八年。其都督赴京襲職。除馬。駝。給價外。加賞綵段一表裏。絹一疋。織金紵絲衣一套。并靴韉各一雙。進貢到京使臣。分五等。一等。綵段五表裏。絹四疋。二等。四表裏。絹三疋。三等。三表裏。絹二疋。四等。二表裏。絹一疋。布一疋。五等。一表裏。絹一疋。俱紵絲衣一套。靴韉各一雙。存留甘州男女女人等。有進貢者。照五等例賞。無者。每人絹布各一疋。奏事到京使臣。不分等第。每人綵段二表裏。絹一疋。紵絲衣一套。靴韉各一雙。十二年。奏准。寄住苦峪城使臣。賞例。仍分五等。比前表裏。絹各減其一。不與衣服靴韉。存留甘州有進貢者。照前五等例。無者。與絹一疋。嘉靖四十三年。到京正使。從人名色。照四等例賞。隆慶五年。照五等例賞。寄住甘州有進貢者。俱與綵段一表裏。不與衣服靴韉。○回賜大馬。每匹。綵段四表裏。達馬。不分等第。每匹。二表裏。駝。每隻。四表裏。駝羔。每

雙紵絲一疋。絹二疋。倒死駝絹六疋。折鈔絹一疋。鎖服每段絹六疋。金剛鑽上等每顆絹四疋。成化十年金剛鑽二等每顆絹二疋。三等每顆絹一疋。四等每二顆絹一疋。五等每顆布一疋。番砂水晶石不與價。弘治三年奏定價例。玉石每斤絹一疋。夾玉石四斤絹一疋。速來蠻石二斤絹一疋。青金石一斤絹一疋。把哨石十斤絹一疋。螺子石六塊絹一疋。松都魯石即水。舊例每斤鈔十五貫。正統四年添作一百貫。每二百貫折絹二疋。石頭靶八箇。礪砂八斤。各絹一疋。魚牙靶小刀每把絹二疋。鑽鐵大刀每把絹五疋。拐棍刀每把絹五疋。兩刃劔每把絹八疋。鑽鐵鏗一把。鑽鐵鏡一面。各絹二疋。鑽鐵二斤。絹一疋。撒哈刺馬黑嘴每段各絹九疋。刀紬番名黃馬海牙兒每段絹一疋。馬服屯即番每二段絹一疋。虎力麻五疋。絹二疋。藍花手巾二條。絹一疋。撈馥蘭每斤絹四疋。硝子阿思馬亦一箇。絹一疋。硝子遮眼番名矮納三箇。絹一疋。蛤蚧四箇。絹二疋。梧桐簾十斤。雌黃十五斤。各絹一疋。蛇角二枝。一表裏。羚羊角四斤。絹一疋。豹皮即舍列孫皮二張。綵段一表裏。金線豹皮一張。一表裏。獅子皮一張。二表裏。哈刺虎刺皮一張。一表裏。鐵角皮二條。絹一疋。銀鼠皮六箇。貂鼠皮三箇。青鼠皮二十箇。白兔皮三箇。白狐皮一張。駝皮獺皮每一箇。各絹一疋。龍馬尺即羊五張。絹二疋。卜刺硃兒皮即牛四張。絹一疋。哈刺卜花二十張。絹一疋。樺皮弓一張。絹八疋。回回木梳細者六箇。絹一疋。粗者十箇。絹一疋。珊瑚珠正統中每十四兩。絹四疋。今每兩。絹二疋。鎖鎖葡萄每斤絹一疋。使臣白進中等馬每匹。紵絲一疋。絹八疋。折鈔絹二疋。下等馬每匹。紵絲一疋。絹七疋。折鈔絹一

正。新生馬駒。中途倒死馬。每匹絹三疋。駝。每隻三表裏。絹四疋。帶進西馬。每匹五表裏。阿魯骨馬。每匹六表裏。○求討。正統四年。忠順王奏討。與紵絲四表裏。天順四年。王母差來。使臣領去厚榜紙。中夾紙。各三百張。心紅三斤。金箔一百帖。胡椒。華菱。各十斤。桐油十斤。白礬十斤。丁香。乳香。檀香。各三斤。良薑。桂皮。各五斤。細茶三十斤。洗面銅盆一箇。成化十二年。苦峪城。使臣奏討。加絹一疋。十三年。又准加折衣絹一疋。十五年。再加絹一疋。○使臣進貢到京者。每人許買食茶五十斤。青花瓷器五十副。銅錫湯瓶五箇。各色紗羅綾段各十五疋。絹三十疋。三梭綿布。夏布。各三十疋。綿花三十斤。花毯二條。紙馬三百張。顏料五斤。果品。沙糖。乾薑。各三十斤。藥餌三十斤。烏梅三十斤。皂白礬十斤。不許過多。就館中開市五日。除違禁之物。并鞍轡。刀箭外。其餘段疋。紗羅等項。不係黃紫顏色。龍鳳花樣者。許官民各色鋪竹人等。持貨入館。兩平交易。該城兵馬司。差人密切關防。及令通事管束。毋得縱容鋪戶。夷人在外私自交易。如有將違禁等物。及通事人等。故違者。許各該委官體察通行拏問。後又奏准。未領賞前開市二日。領賞後開市三日。其奏討沿途收買牛。羊。鐵鍋。犁。鐮者。聽於臨洮府蘭州地方。與軍民兩平收買。不許過多。仍令伴送人員。及所在官司防範。不許將熟鐵兵器夾賣。及因而生事擾人。

哈烈等三十八國。及天方國。日落國。各賞例與哈密同。

安定衛。洪武七年。安定王來朝貢。賜織金文綺四疋。其貢賜賞例。到京國師。綵段四表裏。絹二疋。紵絲僧

衣一套。舍人并使臣。每人二表裏。紵絲衣一套。僧人。每人一表裏。紵絲番僧衣一套。靴鞵各一雙。○回賜。自進并帶進駝。每隻綵段三表裏。絹四疋。馬。每匹二表裏。○襲封。洪武八年。賜嗣王勅書誥命各一道。織金紵絲衣一套。綵段六表裏。諭祭已故王。祭文一道。降香一炷。折鈔一千貫。禮部差通事一員。送請封人。至西寧衛交割。本衛差頭目一員。齎封物同原來人。前去本地授封。別差頭目一員。齎祭物。另辦齋糧五十石。麻布五十疋。食茶二百斤。量帶軍士同去行祭。

罕東赤斤蒙古。永樂二年。賞賜差來都指揮。綵段三表裏。織金紵絲衣一套。靴鞵各一雙。千百戶。鎮撫。綵段二表裏。舍人一表裏。俱與素紵絲衣一套。靴鞵各一雙。存留甘州男婦。有進貢者。綵段一表裏。生絹一疋。無者。生絹一疋。布一疋。○回賜。帶進駝。每隻綵段四表裏。中等馬。每匹二表裏。下等馬。每匹紵絲一疋。生絹四疋。自進中等馬。每匹紵絲一疋。生絹八疋。下等馬。每匹紵絲一疋。生絹四疋。

土魯番使臣到京。并存留賞賜。自進并帶進駝馬等物。回賜。及賣買。俱照哈密例。嘉靖二年。瑪瑙數珠一串。與絹四疋。紅絹道布一疋。絹六疋。鞍子一面。絹四疋。撒袋一副。絹二疋。其鑄鐵鏢多不真正。每貢不過百把。每二把與絹一疋。三十三年。進貢回回青三百三十一斤八兩。會估每斤與銀二兩。三十八年。題准五地面。自進并帶進過各番王頭目馬匹。阿剌骨上等。每匹綵段六表裏。中等。每匹綵段三表裏。下等。每匹綵段一表裏。達馬中等。每匹紵絲一疋。絹八疋。折鈔絹二疋。下等。每匹紵絲一疋。絹七疋。折鈔絹一疋。

上等達馬原無賞例。比照中等達馬賞例外。每匹量加生絹一疋。四十二年進獅子。每隻綵段八表裏。○各地面夷使除正進方物給賞外。其隨身帶有刀鏢等物。邊官不能阻回。要行復進者。嘉靖十六年題准。禮部驗揀堪用者。量與進收。裁減賞例。每小刀一把。止與絹一疋。鏢十把。內五把賞絹二疋。五把折鈔八十貫。各色漿水玉。每一斤八兩。與絹一疋。其或所進方物原無賞例者。本部行取宛大二縣鋪行。驗估價值。斟酌給賞。○各地面夷使求討織金段子等物。正德十六年題准。該邊鎮巡等官轉奏題請。於每名下量點一二給與。若夷人到京自行奏討。不由鎮巡官轉奏者。不行。

撒馬兒罕。洪武間進貢各賞銀。并紵絲表裏衣服等物。正統以前賞例優厚。成化間定。王紵絲十五疋。羅三疋。紗三十疋。熟絹十五疋。白縠絲十疋。白將樂布十疋。洗白布五十疋。紵絲帽一頂。硃紅漆戩金碗八箇。王妻。紵絲八疋。羅二疋。紗二疋。熟絹八疋。白縠絲五疋。白將樂布五疋。洗白布二十疋。到京使臣。并存留甘州男婦。俱八別等第照哈密賞例。○回賜正統四年。金線豹一隻。綵段八表裏。西馬。每匹五表裏。折鈔絹十疋。獅子皮一張。二表裏。金線豹皮。每張一表裏。成化十九年。進獅子二隻。每隻比金線豹例。加綵段五表裏。弘治三年。獅子一隻。綵段八表裏。正副使并送養人。止正賞。無加賞。王止與回賜。無特賜。正德三年。貢水晶碗一箇。估值銀八兩。令給絹與之。每絹一疋。作銀一兩四錢。嘉靖二年議定。上等玉石。每斤絹三疋。中等。每斤絹二疋。下等。每斤絹一疋。

魯迷嘉靖五年賞例與撒馬兒罕同。

西番烏思藏洪武永樂以來給賜不等復定刺麻番僧人等從四川起送來者到京每人綵段一表裏紵絲衣一套俱本色留邊賞同其綵段一表裏折闊生絹四疋紵絲衣一套內二件給本色衣一件折生絹三疋俱賞鈔五十錠折靴鞵鈔五十錠食茶六十斤從洮河州起送來者到京每人折衣綵段一表裏後加一表紵絲并綾貼裏衣二件留邊賞同其綵段一表裏折生絹四疋俱食茶五十斤靴鞵鈔五十錠進過給軍中等馬每匹紵絲一疋鈔三百錠氈毯等物例不給價帶進方物回賜綵段四表裏○凡各番違例多差人數每人減絹二疋或一疋或三疋或減綾貼裏衣正德以後二法王違例進貢多至千人並從減賞到京者綵段一表裏留邊者絹三疋○嘉靖六年題准烏思藏長河西朶甘思董卜韓胡金川雜谷達思蠻加渴瓦寺松潘洮岷等處番人番僧正賞折衣綵段俱與一疋折給有進馬者計馬數與折○賜封禮部行吏部請給誥命內府各衙門關造錦二段紵絲十表裏袈裟僧衣一套高頂僧帽一頂水晶數珠一串響鈸二副鈴杵二副白盜茶鍾二箇滿蒼刺一箇連帶鸞帶一條靴鞵各一雙食茶一百斤檀香一炷請勅令大慈恩寺推刺麻二人爲正副使帶領刺麻十名同原來請封刺麻齋奉前去番地授封差通事一員伴送至四川布政司交割從黎州或天全出境差去正副使每人賞鈔八十錠刺麻六十錠俱與番僧衣一套靴鞵各一雙贊善王授封從陝西洮州出境關化等三王從四川出境成化五年授封關化

輔教二王。差去正使人等。自帶買路物件。食茶二萬五千斤。紵絲三百疋。羅一百疋。絹一千疋。青紅布三千五百疋。金箔一萬貼。胡椒一百斤。十六年。賞授封關化王。回還刺麻覺義等三十員名。正使禪師覺義。每人鈔八十錠。綵段三表裏。絹二疋。副使都綱鈔六十錠。二表裏。差去刺麻。每名鈔四十錠。一表裏。俱與紵絲番僧衣一套。靴鞵各一雙。帶去徒衆。每人鈔二十錠。一表裏。進過氍毹等物。不給價。

長河西。正統初。賞賜宣慰司自來進貢者。宣慰使鈔一百五十錠。綵段四表裏。指揮僉事鈔一百錠。綵段二表裏。俱紵絲衣一套。靴鞵各一雙。襲職進貢賞同國師并國師姪男進貢到京者。照宣慰使例。都綱刺麻番僧人等進貢到京者。每人鈔五十錠。綵段一表裏。紵絲番僧衣一套。靴鞵各一雙。食茶六十斤。留邊賞同。五年。刺麻番僧進馬到京。每人鈔五十錠。綵段一表裏。折衣綵段二表裏。靴鞵各一雙。進過馬。不分等第。每匹鈔一百錠。十年。長河西招撫生番。照本處進貢番僧例。每人賞鈔五十錠。綵段一表裏。折衣綵段二表裏。靴鞵各一雙。仍加賞折衣綵段一表裏。景泰四年。每人鈔五十錠。綵段一表裏。不與衣服靴鞵。天順元年。照舊給賞。三年。尊勝寺國師護印帶進舍利等物。照先年烏思藏地方都指揮使等事例。量給綵段二表裏。成化初。番僧人等到京。每人闍生絹二疋。鈔五十錠。折靴鞵鈔五十錠。折衣綵段二表裏。留邊賞同。其折衣綵段內。一表裏。折闍生絹四疋。氍毹等物。例不給價。帶進國師方物。給賜綵段二表裏。十二年。番人番僧九百名來貢。以無勘合到京并留邊者。每人俱減絹二疋。弘治二年。留邊者減三疋。○貢

回市茶。弘治十四年題准。刺思岡尊勝等寺。寨到京番僧。每人許買食茶二百斤。嘉靖二十二年題准。如董卜韓胡例。

癸廿思。天順七年。宣慰使進貢到京。賞鈔一百五十錠。綵段四表裏。紵絲衣一套。靴襪各一雙。其貢使賞例。禪師。番僧人等到京。每人賞鈔五十錠。綵段一表裏。紵絲衣一套。留邊。每人鈔五十錠。折表裏。闍生。絹四疋。紵絲衣一套。內二件給本色衣一件。折闍生。絹三疋。俱與折靴襪鈔五十錠。食茶六十斤。隨鹽等物。例不給價。指揮僉事。例加絹四疋。國師。比禪師。加絹二疋。新招撫來貢者到京。每人鈔五十錠。絹二疋。折衣。綵段二表裏。留邊。每人鈔五十錠。絹二疋。折衣。綵段一表裏。闍生。絹四疋。各折靴襪鈔五十錠。方物俱不給價。弘治十七年。以人數過多。惟進貢及已賞未襲職。再來到京者。全賞。其留邊者。每人減絹二疋。董卜韓胡。差來國師。禪師。都綱。道官。刺麻。番僧。頭目。寨官人等到京。每人綵段一表裏。留邊。每人折表裏。闍生。絹四疋。俱與折鈔。絹二疋。靴襪鈔五十錠。番僧。每人紵絲綾。貼裏僧衣一套。頭目人等。每人紵絲綾。貼裏俗衣一套。隨鹽等物。例不給價。○回賜。士官。綵段十表裏。妻。綵段四表裏。嘉靖二年。以差京人數過多。惟正額到京者。全賞。其留邊。隨給折鈔。絹二疋。令與絹一疋。鈔十錠。三年。減原給折表裏。絹三疋。○貢回市茶。嘉靖八年題准。到京。并留邊。番僧。每人許自買食茶一百斤。行移。右府。出給勘合。填寫人數。茶斤。仍行湖廣布政司。著落該府。許令照數收買。自雇船隻載回。沿途關隘。驗放出境。如有夾帶。就彼盤驗。人

官。

加渴瓦等寺刺麻。番僧頭目。舉首到京。每人綵段一表裏。折衣二表裏。留邊賞同。折衣每一表裏。與絹四疋。俱賞鈔六十錠。折靴鞮鈔五十錠。毼毼等物。不給價。

金川寺進貢刺麻。番僧到京。每人賞綵段一表裏。折衣綵段二表裏。留邊。每人綵段一表裏。其折衣綵段二表裏。內一表裏。折生絹四疋。一表裏。折食茶一百斤。俱與鈔六十錠。折靴鞮鈔五十錠。毼毼等物。不給價。弘治十七年。以人數過多。惟年例進貢。及襲職到京者。不賞。其留邊應給折衣絹。每人減三疋。

雜谷安撫司。與金川寺例同。弘治十七年。留邊每人減折衣絹二疋。嘉靖六年。照舊給賞。每人量加食茶二十五斤。其所屬上草坡克州等寺。嘉靖六年。題准。留邊番僧。每人減絹三疋。加食茶二十五斤。

打喇兒寨番僧到京。每人綵段一表裏。內一疋給價銀三兩。折衣綵段二表裏。與本色。留邊。每人綵段一表裏。內一疋如前給價。折衣綵段二表裏。每一表裏。折給闊生絹四疋。共八疋。俱賞鈔六十錠。折靴鞮鈔五十錠。方物例不給價。

達思蠻長官司。正統中。進貢到京。并留邊番僧人等。每人鈔四十錠。綵段一表裏。折衣二表裏。靴鞮各一雙。弘治二年。照前賞例。各減折衣一表裏。留邊折衣。與生絹四疋。靴鞮俱折鈔十錠。長寧及韓胡碣。由松潘起送番僧。賞例與達思蠻同。其松潘茂州等處。進貢到京馬。每匹賞鈔一百錠。鐵甲氍毹等物。不給價。

陝西洮岷等處番僧到京并存留每人賞折衣綵段一表裏折靴鞮鈔五十錠馬每匹紵絲一疋鈔三百錠上等馬加絹一疋駝每隻綵段三表裏絹四疋內瞿曇寺到京禪師加番僧衣一套不由所在官司給文起送私自來京謝恩等項進貢者止給馬駝價不賞嘉靖十七年慧濟扯巴寺番僧進貢到京八名每名綵段一表裏折衣綵段一表裏留邊七名每名折衣綵段一表裏折與闕生絹四疋俱各與綾貼裏衣二件靴鞮鈔五十錠食茶五十斤進過馬每匹紵絲一疋鈔三百錠方物例不給賞二十七年到京并留邊加至一百八十七名以人數過多議將到京十五名照例給賞留邊六十七名照洮州番僧例每人賞折衣綵段一表裏折靴鞮鈔五十錠食茶五十斤其新增一百五名每名給與闕生絹二疋食茶四十斤進過馬匹照前給賞經該起送官員以違例參治

洮岷等處番族到京并存留番人每人賞綵段二表裏絹二疋鈔二十錠折靴鞮鈔五十錠進馬每匹紵絲一疋鈔三百錠盔甲腰刀例不給賞嘉靖六年奏准折衣綵段并馬價綵段每疋折銀三兩以上俱許開市三日

明會典卷之一百十三 禮部七十一

【給賜四】

【土官】

雲南徼外土官進到象馬金銀器皿寶石等件。例不給價。其賜例各不同。

車里。給賜宣慰使錦二段。紵絲紗羅各四疋。妻。紵絲羅各三疋。差來頭目。每人紵絲紗羅各四疋。折鈔絹二疋。布一疋。通事。每人綵段一表裏。折鈔絹一疋。俱與羅衣一套。象奴。從人。每人折鈔綿布一疋。絹衣一套。俱與靴襪各一雙。

木邦。給賜宣慰使錦二段。紵絲紗羅各三疋。妻。紵絲羅各二疋。差來陶孟。每人紵絲紗羅各三疋。折鈔絹二疋。布一疋。招剛。每人紵絲紗羅各二疋。折鈔絹二疋。通事。每人綵段一表裏。折鈔絹一疋。俱與羅衣一套。象奴。從人。每人折鈔綿布一疋。絹衣一套。俱與靴襪各一雙。

緬甸。給賜宣慰使錦二段。紵絲紗羅各三疋。妻。紵絲羅各三疋。差來頭目。每人紵絲羅各三疋。紗二疋。鈔六十錠。招剛。每人紵絲羅各二疋。紗一疋。鈔四十錠。俱與羅衣一套。通事。鈔三十錠。象奴。從人。每人鈔十五錠。俱與絹衣一套。靴襪各一雙。

老撾并八百。賜例俱與車里同。但通事羅衣改紵絲衣。

孟養給賜孟養思六及妻與車里同。差來陶孟每人紵絲羅各四疋。紗二疋。折鈔絹二疋。綿布二疋。招剛每人紵絲羅三疋。紗二疋。折鈔絹一疋。綿布一疋。招八每人紵絲紗羅各一疋。折鈔絹一疋。通事每人紵絲一表裏。折鈔絹一疋。各與紵絲衣一套。象奴每人折鈔綿布一疋。絹衣一套。俱與靴鞮各一雙。進過馬每匹絹五疋。

孟密給賜女士官及其子安撫俱紵絲紗羅各三疋。安撫妻紵絲羅各二疋。差來頭目陶孟招剛通事象奴從人賞例與木邦同。

孟璉給賜土官紵絲紗三疋。羅二疋。絹四疋。妻紵絲羅各二疋。差來頭目舍人每人綵段二表裏。羅衣一套。通事鈔二十錠。絹衣一套。從人每人鈔十五錠。絹衣一套。俱與靴鞮各一雙。

孟良給賜土官舍人紵絲紗羅各二疋。差來頭目紵絲羅各二疋。紗一疋。折鈔絹一疋。通事每人折鈔絹一疋。俱與羅衣一套。從人每人折鈔綿布一疋。絹衣一套。俱與靴鞮各一雙。

鄧川州賜例與孟璉同。象奴賞與從人同。

湖廣、廣西、四川、雲南、貴州腹裏土官朝覲進到方物及中途倒死馬匹。例不給價。到京馬匹每匹賜鈔一百錠。其賜各不同。

凡三品、四品回賜鈔一百錠。綵段三表裏。惟播州、貴州、二宣慰使、賜錦二段、綵段六表裏。五品鈔八十錠。綵段三表裏。六品、七

品鈔六十錠。綵段二表裏。八品、九品鈔五十錠。綵段一表裏。雜職衙門、頭目人等、自進馬匹、方物、鈔

四十錠。綵段一表裏。弘治十四年、瓊州、崖州起送土官、每人賞鈔三十錠、絹二疋、絹衣一套。○差來通事、把事、頭目、各鈔二十錠。綵段一

表裏。隨來土官弟男、并把事頭目人等、鈔二十錠。從人伴吏、鈔十錠。播州差來長官、鈔四十錠、一表裏、通把頭目人等、各鈔三十錠、貴州

差來舍人、鈔二百五十錠、二表裏、把事十五錠、一表裏、通事十錠、絹一疋、頭目從人賞鈔如例。

凡進馬一二匹、及方物輕者、止照雜職例賞。嘉靖元年、奏准、朝覲到京、以馬數多寡爲差。進馬一二匹

者、准一人作差來名色。賞鈔二十錠。綵段一表裏。三四匹者、作二人。五六匹者、作三人。綵段鈔錠、照數

遞加。○二年題准、若所差係土官弟姪兒男、進馬四匹以上、與方物重者、照舊例。以衙門品級高下爲

差。其馬少物輕者、照雜職例。若所差係通把頭目人等、照新例。以馬數方物多寡爲差。

凡到京過期、減半給賞。弘治三年以後、正月內到者、亦全賞。二月到者、減半。該賞半表裏者、折與闕生

絹二疋。○隆慶五年題准、過期半年以上、不給賞。

凡謝恩差來人、與雜職賞同。貴州土官減鈔二十錠。隨來通把從人、給鈔如朝覲例。

凡慶賀貴州差來舍人、賞鈔五十錠。綵段二表裏。把事鈔十五錠。綵段一表裏。通事從人、鈔如朝覲例。

四川土官差來人進馬者、鈔二十錠。綵段一表裏。進降香茶蠟等物者、鈔二十錠。絹二疋。隨來人、鈔十

錠。

【給賜番夷通例】

凡給賞段絹等物。萬曆六年題准。各織造去處。撫按官痛革尅減。冒破奸弊。有仍將粗惡不堪之物。解進該部。科將撫按等官一體查參。其給賜衣服靴襪等件。該衙門成造。務要精好。如有不堪。聽禮部具實參奏。重治。其留邊給賞。齋去人員。有將賞物抵換勒措者。督撫官查參重治。至於各夷所得賜物。不許於開市之日。貨賣。或願折價。禮部題照原價折給。

凡齋發貢夷賞賜。萬曆七年題准。各貢夷慶賀事完。卽行頒給賞賜。齋發回還。毋令稽留久住。致惹事端。○又議准。每夷人到館。該館官先將各夷數目。一體報知戶工衙門。該司一面知會內府衙門。俱各預爲整理。賜物候禮部咨文到日。卽照數檢點。及回咨掛號。各須上緊。定限半月以裏。通行關領。禮部一面題給。一面知會兵部。查發勘合。速令起程。其該邊奏報。并禮部題行各衙門關領日期。卽于散賞奏內題知。以便稽考。

凡賜物折價。嘉靖六年議准。女直夷人及番僧。番人。給賜綵段。自願折銀者。織金每疋折給銀三兩八錢。素者三兩五錢。○隆慶三年議准。西番貢夷全賞者。禮部照例分別題請。頒給減賞者。每名給銀三兩。絹二疋。每疋折銀三錢。於本布政司庫貯銀內支給。○萬曆六年題准。各夷來京應賞人數。凡折衣折段銀

兩行工部俱給。以見貯銀兩不必轉行該省。其支茶勘合及在邊半賞人數銀兩。禮部先咨巡撫衙門轉行布政司。仍另給夷人爲照。待到日將夷人領去勘合。與禮部先發咨文對同。方准支給。其存留在邊全賞人數銀兩。禮部驗封明白。亦咨巡撫衙門與夷人所執公文查對相同給發。仍將各項銀段及食茶數目。行都督府填入。過關勘合。以便互校。差去通事官令守取巡撫回咨。備開散過齋去存留銀段若干。支過食茶及半賞銀兩若干。以免誑騙沈匿等弊。如咨內數目不合及無回咨。將通事從重參問。

凡貢夷病故在中途者。例不給賞。萬曆六年題准。各鎮清查病故夷人賞物。留充下年給賞之數。

凡投降夷人。每名賞素紵絲衣一套。綿布十疋。鈔一百錠。米三石。牛二隻。羊五隻。柴五百斤。隨來婦人每日綿布三疋。鈔十錠。

凡入官貨物。洪武二十六年定。凡遠夷之人。或有長行頭匹及諸般物貨。不係貢獻之數。附帶到京。願入官者。照依官例具奏。關給鈔錠。酬其價值。○弘治間定。凡番國進貢。內國王王妃及使臣人等。附至貨物。以十分爲率。五分抽分入官。五分給還價值。必以錢鈔相兼。國王王妃錢六分。鈔四分。使臣人等錢四分。鈔六分。又以物折還。如鈔一百貫。銅錢五串。九十五貫折物。以次加增。皆如其數。如奉旨特免抽分者。不爲例。○凡番國進貢。船內搜出私貨。照例入官。俱不給價。其奉旨給與者。不爲例。

凡番貨價值。弘治間定。回回并番使人等進貢寶石等項。內府估驗定價例。赤金每兩直鈔五十貫。足色

銀每兩十五貫。錫每斤五百文。琉球八貫。鐵每斤三百文。腰刀每把三貫。番弓每張二貫。番箭每枝一百文。鶴

頂每箇一貫。玳瑁盒每箇一貫。玳瑁盃每箇一貫。珊瑚枝每斤三十貫。珊瑚珠每兩二貫。大玻璃瓶碗每

箇三貫。小玻璃瓶碗每箇二貫。玻璃燈甌每箇二貫。粟米珠每兩五貫。象牙每斤五百文。琉球十貫。翠毛每斤

三百文。古刺水內大合一貫。小合五百文。回回石青每斤一貫。烏爹泥每斤五百文。油血石每兩二貫。番

砂每斤二百文。膽礬每斤二貫。妥剔牙每斤一貫。黃蠟每斤五百文。雄黃每斤五百文。阿魏每斤二貫。華

芟每斤二貫。沒藥每斤五貫。滿刺十貫。肉荳蔻每斤五百文。暹羅白荳蔻十貫。荳蔻花每斤五百文。華澄茄每斤一

貫。悶蟲藥每斤二百文。大楓子每斤一百文。暹羅十貫。木鱉子每斤三百文。血竭每斤一十五貫。龍涎每兩三

貫。蘇合油每斤三貫。乳香每斤五貫。暹羅四貫。沈香每斤三貫。速香每斤二貫。丁香每斤一貫。木香每斤三

貫。金銀香每斤五百文。降真香每斤五百文。暹羅十貫。黃熟香每斤一貫。暹羅十貫。安息香每斤五百文。梔子花每

斤一貫。丁皮每斤五百文。暹羅二貫。蘇木每斤五百文。琉球十貫。烏木每斤五百文。暹羅滿刺加俱四十貫。紫檀木每斤

五百文。胡椒每斤三貫。琉球三十貫。滿刺加二十貫。鹽每斤一百文。藤謁裏裏每斤一貫。夕牙吸荅納每斤五

百文。八的阿納每斤四百文。三額阿刺必每斤五百文。別模刺每斤五百文。厥枯露每斤二百文。加定每

斤五百文。哈都味思每斤五百文。阿思模達塗兒氣每斤五百文。蘇麻達每斤二百文。花氈單每條一十

貫。大花手巾每條二貫。小花手巾每條一貫。絲手巾每條二貫。紅紋節知被每條五貫。苾布每疋一十五

貫撒哈刺每疋一百貫。兜羅布每段一十貫。油紅布每段一貫五百文。青布每段一貫五百文。花布每段一貫。暗花打布每段一貫。沙連布每段一貫。青春禮布每段一貫。加籠宜布每段一貫。烏連布每段一貫。勿那朱布每段一貫。各樣織布每段一貫。日本國附進刀劍每把鈔三貫內一分與錢九分支絹每鈔一貫。刺加檀香俱每斤鈔十貫。暹羅藤黃每斤鈔十五貫。紫莖每斤鈔三十貫。琉球暹羅滿刺加每鈔二百貫。折絹一疋。

凡折還物價弘治間定。各色紵絲每疋折鈔五百貫。各色綾子每疋三百貫。各色紗每疋三百貫。各色絹每疋一百貫。青絨毯子每疋六百貫。駝褐毯子每疋六百貫。青花白瓷盤每箇五百貫。碗每箇三百貫。瓶每箇五百貫。酒海每箇一千五百貫。豆青瓷盤每箇一百五十貫。碗每箇一百貫。瓶每箇一百五十貫。磨香每斤一千五百貫。樟腦每斤一百貫。良薑每斤二十五貫。大黃每斤三十貫。鐵鍋三尺闊面每口一百五十貫。

【歲進】

舊例歲進茶芽及木瓜藥材俱從土產去處起解轉送該衙門供用各有定數其後又有川扇及諸時鮮等物。

茶芽

各處歲進茶芽弘治十三年奏准俱限穀雨後十日差解赴部送光祿寺交收違限一月以上送問雖有

公文不與准理。

計茶芽四千斤。內一百二十斤。南京納。

直隸五百斤。

常州府宜興縣一百斤。內二十斤。南京禮部納。限四十六日。

廬州府六安州三百斤。限二十五日。

廣德州七十五斤。建平縣二十五斤。限四十六日。

浙江五百斤。

湖州府長興縣三十斤。南京納。

紹興府嵊縣八斤。會稽縣三十二斤。限五十五日。

溫州府永嘉縣一十斤。樂清縣一十斤。限七十七日。

杭州府臨安縣二十斤。富陽縣二十斤。限五十二日。

寧波府慈谿縣二百六十斤。限六十一日。

處州府麗水縣一十五斤。縉雲縣六斤。青田縣六斤。遂昌縣六斤。限七十日。

金華府金華等縣共二十二斤。限六十四日。

衢州府龍游等縣共二十斤。限六十七日。

台州府臨海等縣共一十五斤。限七十一日。

嚴州府建德縣五斤。淳安縣四斤。遂安縣三斤。壽昌縣三斤。桐廬縣二斤。分水縣一斤。限五十八日。

江西四百五十斤。

南昌府七十五斤。限六十日。

南康府二十五斤。限五十一日。

贛州府一十一斤。限八十三日。

袁州府一十八斤。限七十九日。

臨江府四十七斤。限六十五日。

九江府一百二十斤。限五十五日。

瑞州府三十斤。限六十四日。

建昌府二十三斤。限七十五日。

撫州府二十四斤。限七十三日。

吉安府一十八斤。限七十一日。

廣信府二十二斤。限七十五日。

饒州府二十七斤。限六十一日。

南安府一十斤。限九十日。

湖廣二百斤。內十八斤南京納。

武昌府興國州六十斤。限五十四日。

岳州府臨湘縣十六斤。限七十一日。

寶慶府武崗州二十四斤。邵陽縣二十斤。新化縣十八斤。限五十九日。

長沙府安化縣二十二斤。寧鄉縣二十斤。益陽縣二十斤。限八十一日。

福建二千三百五十斤。內五十二斤南京納。

建寧府建安縣一千三百六十斤。內探春二十七斤。先春六百四十三斤。次春二百六十二斤。紫筍二

百二十七斤。薦新二百一十斤。崇安縣九百九十斤。內探春三十二斤。先春三百八十斤。次春一百五

十斤。薦新四百二十八斤。限七十八日。

木瓜

直隸寧國府宣城縣歲進木瓜二千三百箇。內上瓜一千八百箇。中瓜五百箇。

藥材

廣西思問府歲進解毒藥五方三十四味。共三十八斤。內錦地羅一味。重二斤。消食藥十味。重十二斤。消毒藥十八味。重十九斤。大衝藥一味。重一斤。寒住藥四味。重四斤。

四川成都府歲進藥材七味。內天雄二十對。附子五十對。川烏三十對。漏蘆二十斤。仙茅二十一斤。補骨脂十五斤。巴豆四斤。

黃魚

浙江嘉興府歲進黃魚三百尾。俱行乍浦河泊所。小滿時節採捕。沿途換冰。接救到京。通政使司投本尙膳監交收。禮部批迴。

魚鮮

湖廣布政司歲進鱒魚、鯉魚、鯉魚、鯉魚、鯉魚、各四桶。糟鱒魚、鱒魚、各四桶。醬子鮮一十二桶。乾鯉魚五十斤。鱒魚、魚筋、并面肉四十把。鱒魚、魚肚四十箇。并代鎮守衙門原進鱒魚、鯉魚、鯉魚、各十桶。醬子鮮二十桶。俱行武漢、黃岳、常、沔六府州造辦。咨呈禮部轉送光祿寺交收。禮部批迴。

川扇

四川布政司造。撫臣奏進。歲例扇一萬一千五百四十把。嘉靖三十年。加造備用扇二千一百把。四十三

年。又造小式細巧扇八百把。共一萬四千四百四十把。初起鎮守中官。後以爲常。又蜀王府別有奏進。

明會典卷之一百十四

禮部七十二

精膳清吏司

郎中、員外郎、主事、掌宴享牲豆酒膳之事。會其品數。程其出納。

【膳羞一】

舊制。凡大筵宴。膳司提調。光祿寺官供辦。其待諸番茶飯及下程。膳司自行辦送。後革主事廳。一應皆屬光祿寺禮部。止行文照會。以其事皆禮部掌行。故列於此。

洪武二十六年定。凡遇正旦、聖節、冬至、或吉慶筵宴。所用諸品膳羞酒醴。並須提調光祿寺供辦。苦管待諸番國朝貢等使客。并外國來降土官人等茶飯物料。禮部自行備辦。其宴之日。赴會同館管待。令教坊司供應。若奉旨管待之人。俱於本部筵宴。正官主席。○一十官使客至會同館。除柴米鋪陳。本館應付外。本部照依正從名數。每五日一次。支送下程。○一管待物料。先期一日。本部劄委膳部。照依時價收買。仍令物戶親齋赴部。對物給價。其合用羊隻。主事廳具手本。赴光祿寺關領。原編羊隻字號。勘合於司牧局。照號關取造辦。管待畢日。仍回呈本部。開具買過物件。同支過價鈔數目。主事廳回呈關過羊隻字號。毛色斤重。本部判送立案。通類開銷。○一買辦管待物料鈔貫。若支銷盡絕。本部照例具奏。依數關領鈔錠。

回部收貯在庫聽候買辦如支銷已盡依上關用。

【筵宴】凡欽賜酒飯附】

郊祀慶成

永樂二年上卓按酒五般果子五般茶食五般燒煤五般湯三品雙下饅頭馬肉飯酒五鍾中卓按酒四般果子四般湯三品雙下饅頭馬豬羊肉飯酒五鍾隨駕將軍按酒一般粉湯雙下饅頭豬肉飯酒一鍾金鎗甲士象奴校尉雙下饅頭教坊司樂人按酒一般粉湯雙下饅頭酒一鍾○天順元年上半年上卓寶粧茶食嚮糖纏椀八箇棒子骨二塊大銀錠油酥八箇花頭二箇鳳鴨一隻菜四色按酒五般湯三品小銀錠笑靨二樸鴛鴦飯二塊大饅頭一分果子五般黑白餅一樸鮮一樸每人酒五鍾上中卓寶粧茶食嚮糖纏椀八箇棒子骨二塊大銀錠油酥八箇花頭二箇甘露餅四箇菜四色按酒五般小銀錠笑靨二樸湯三品鴛鴦飯二塊大饅頭二分果子五般每人酒五鍾中卓寶粧茶食雲子麻葉二樸甘露餅四箇大銀錠油酥八箇燂魚二塊小銀錠笑靨二樸果子按酒各五般菜四色花頭二箇湯三品鴛鴦飯二塊大饅頭四分每人酒五鍾下卓寶粧茶食大銀錠油酥八箇燂魚二塊果子四般按酒四般菜四色湯三品馬肉飯二塊大饅頭二分每人酒五鍾○隆慶四年題准領宴規則殿內將軍每名豬肉二斤白麪一斤酒三鍾樂舞生每名豬肉一斤羊肉一斤白麪一斤酒三鍾教坊司樂工每名豬肉四兩白米八合酒三鍾

其殿外將軍金鎗甲士旗校等行禮科查給鈔錠。

聖節

永樂十三年。上卓。按酒五般。果子五般。茶食。燒燂。鳳雞。雙棒子骨。大銀錠。大油餅。湯三品。雙下饅頭。馬肉飯。酒五鍾。上卓。按酒四般。果子四般。燒燂。銀錠油餅。雙棒子骨。湯三品。雙下饅頭。馬肉飯。酒三鍾。中卓。按酒四般。果子四般。燒燂。茶食。湯二品。雙下饅頭。羊肉飯。酒三鍾。僧官等用素卓。按酒五般。果子。茶食。燒燂。湯三品。雙下饅頭。蜂糖糕飯。將軍。按酒一般。壽麪。雙下饅頭。馬肉飯。酒一鍾。金鎗甲士象奴校尉。雙下饅頭。酒一鍾。教坊司樂人。按酒一般。粉湯。雙下饅頭。酒一鍾。給儀內官內使。上卓。按酒五般。果子。湯二品。小饅頭。酒三鍾。中卓。按酒四般。果子。湯二品。小饅頭。

正旦節

永樂間。上卓。茶食。像生小花。果子五般。燒燂五般。鳳雞。雙棒子骨。大銀錠。大油餅。按酒五般。菜四色。湯三品。簇二大饅頭。馬牛羊胙肉飯。酒五鍾。上中卓。茶食。像生小花。果子五般。按酒五般。菜四色。湯三品。簇二大饅頭。馬牛羊胙肉飯。酒五鍾。中卓。果子五般。按酒四般。菜四色。湯二品。簇二饅頭。馬豬牛羊胙肉飯。酒三鍾。隨駕將軍。按酒。細粉湯。椒醋肉并頭蹄。簇二饅頭。猪肉飯。酒一鍾。金鎗甲士象奴校尉。雙下饅頭。教坊司樂人。按酒。爇牛肉。雙下饅頭。細粉湯。酒一鍾。

冬至節

永樂間。上卓。按酒五般。果子五般。茶食。湯三品。雙下饅頭。馬羊肉飯。酒五鍾。中卓。按酒四般。果子四般。茶食。湯三品。雙下饅頭。酒五鍾。將軍。按酒一般。雙下饅頭。粉湯。酒一鍾。金鎗甲士。象奴校尉。雙下饅頭。教坊司樂人。按酒一般。雙下饅頭。粉湯。酒一鍾。

皇太后聖旦節

皇后令旦節

正統間。上卓。按酒四般。菜四色。點心一樛。壽麪一椀。酒三鍾。中合卓同。壽麪二椀。酒六鍾。

東宮千秋節

宣德間。上卓。按酒四般。菜四色。點心一樛。壽麪一椀。酒三鍾。中合卓。按酒五般。菜四色。壽麪二椀。酒六鍾。

立春節

永樂間。上卓。按酒四般。春餅一樛。菜四色。湯一椀。酒三鍾。中合卓。按酒四般。春餅二樛。菜四色。湯二椀。酒六鍾。

元宵節

永樂間。上卓。按酒四般。果子。茶食。小饅頭。菜四色。粉湯。圓子一椀。酒三鍾。中合卓。按酒四般。果子。茶食。小

饅頭菜四色粉湯圓子二碗酒六鍾。

四月八節 嘉靖十四年改用四月五日

永樂間上卓按酒二般不落莢一櫟涼糕一櫟小點心一櫟菜四色湯一碗酒三鍾中合卓按酒二般不落莢一櫟涼糕一櫟小點心一櫟菜四色湯二碗酒六鍾 嘉靖十四年改不落莢一櫟餅

端午節

永樂間上卓按酒五般果子小饅頭湯三品糕一櫟粽子一櫟菜四色酒五鍾中卓按酒四般果子小饅頭湯三品糕一櫟粽子一櫟菜四色酒五鍾教坊司樂人按酒一般湯飯酒一鍾。

重陽節

永樂間上卓按酒二般糕二櫟小點心一櫟菜四色湯一碗酒三鍾中合卓按酒二般小點心一櫟糕二櫟菜四色湯二碗酒六鍾。

臘八節

永樂間上卓按酒四般菜四色臘麪一椀酒三鍾中合卓按酒四般菜四色臘麪二椀酒六鍾。

祭太廟享胙

永樂元年上卓按酒五般果子五般小饅頭粉湯酒三鍾中卓按酒四般果子四般小饅頭粉湯酒四鍾。

祭社稷享胙

永樂二年。上卓。按酒五般。果子五般。茶食五般。湯三品。雙下饅頭。馬豬羊肉飯。酒五鍾。中卓。按酒四般。果子四般。湯三品。雙下饅頭。豬肉飯。酒五鍾。

祭先農享胙

永樂元年。上卓。按酒四般。簇四小饅頭。粉湯。酒六鍾。

大祀園丘文武百官湯飯

嘉靖間定。上卓。按酒四般。點心一碟。湯飯一分。小菜四色。中合卓。按酒四般。點心一碟。湯飯二分。小菜四色。

孟春祈穀夏至方澤春分朝日秋分夕月祭畢內外官酒飯

嘉靖間定。上卓。按酒四般。小饅頭一碟。湯飯一分。酒五鍾。中合卓。按酒饅頭同。湯飯二分。酒十鍾。遇遣官代祭。免辦。

耕藉三公九卿執事等官酒飯

嘉靖間定。上卓。按酒四般。小饅頭一碟。湯飯一分。酒三鍾。中合卓。按酒四般。小饅頭一碟。湯飯二分。酒六鍾。樂舞生。下合卓。與中合卓同。但減豬肉二斤。耆老及樂人。各領酸麻湯一椀。饅頭一碟。肉一碟。

蠶壇酒飯

嘉靖間定。夫人秀才。每卓按酒五般。點心二樓。添換燒割全。湯三品。菜四色。飯一分。酒三鍾。內女樂并外蠶母合卓。每卓按酒四般。點心一樓。添換燒割全。菜四色。每人湯三品。飯一分。酒三鍾。命婦中卓。每卓按酒四般。點心一樓。湯三品。菜四色。飯一分。酒三鍾。○九年奏准。壇內係禁密處所。光祿寺廚役。難以造辦。令尙膳監管理。祇待。

駕幸太學筵宴

弘治元年。上卓按酒五般。果子五般。大銀錠。大油酥。寶糕。鳳鴨。小點心。棒子骨。湯三品。菜四色。大饅頭。羊背皮。酒五鍾。中卓按酒五般。果子五般。茶食五般。燒魚。小點心。湯三品。菜四色。大饅頭。羊脚子飯。酒五鍾。成化元年。改禮部待宴。嘉靖於禮部。止宴三氏子孫。及祭酒等官。

進士恩榮宴

永樂十三年。上卓按酒燒燂四般。寶糕。茶食。果子五般。軟按酒五般。菜四色。湯三品。雙下大饅頭。羊肉飯。酒五鍾。上中卓按酒燒燂四般。寶糕。茶食。果子四般。軟按酒四般。菜四色。湯三品。雙下饅頭。羊肉飯。酒五鍾。○天順元年。每卓燂魚。大銀錠。堆花。雙棒子骨。寶糕。雲子麻葉。甘露餅。大油酥。鳳雞。燻猪肉。燻羊肉。小銀錠。笑靨兒。椒醋猪肉。椒末牛馬。椒醋雞并魚。湯三品。果子五般。小饅頭。雙下大饅頭。牛羊肉飯。酒五鍾。

○弘治三年。上卓。按酒五般。果子五般。寶糕。茶食五般。鳳鴨一隻。小饅頭一樛。小銀錠。笑靨二樛。棒子骨二塊。羊背皮一箇。花頭二箇。湯五品。菜四色。大饅頭一分。添換羊肉一樛。酒七鍾。上中卓。按酒果子寶糕。茶食各五般。鳳鴨一隻。小饅頭一樛。小銀錠。笑靨二樛。煤魚二樛。羊脚子飯二塊。花頭二箇。湯五品。菜四色。大饅頭二分。添換羊肉一樛。酒七鍾。中卓。按酒果子茶食各五般。甘露餅一樛。小饅頭一樛。小銀錠。笑靨二樛。煤魚二樛。牛肉飯二塊。花頭二箇。湯三品。菜四色。大饅頭二分。添換羊肉一樛。酒七鍾。

纂修宴武舉宴

二宴俱與恩榮宴同。但無中卓。

經筵酒飯

每卓。細茶食四樛。饊子一樛。果子五樛。按酒五般。點心一樛。攢菜一樛。湯三品。菜四色。飯一分。酒六鍾。

日講酒飯

每卓。按酒五般。湯三品。菜四色。飯一分。酒五鍾。隨卓酒一瓶。

殿試酒飯

每卓。茶食五樛。果子五樛。按酒五般。點心一樛。湯二品。飯一分。菜四色。酒五鍾。進士。每名饅頭二箇。湯一椀。禮部晚宴。并早粥。用鹿一隻。豬二口。羊三隻。鷄十二隻。燻猪肉八十斤。粳米三斗。火熏三腿。雞彈一百

筒豆腐五十連。煮粥猪肉五斤。油醋各二瓶。醬六斤。鹽十斤。細粉五十斤。花椒十兩七錢。胡椒五兩。香蕈。麻菇各五兩。香油六斤。酒九十瓶。

文華殿讀卷官宴

每卓茶食五樞。果子五樞。按酒五般。點心二樞。湯三品。添換猪羊肉各五斤。雞肉二斤半。燒割猪羊肉各二斤。鷄一斤。菜四色。酒二瓶。

吏部兵部選官酒飯

每卓按酒五般。小點心一樞。蒸餛一樞。飯一分。湯三品。兵部只二品。酒三鍾。吏部加午飯一頓。

朝貢見辭酒飯

上卓茶食五般。按酒五般。果子五般。湯飯一分。酒三鍾。中卓茶食。按酒。果子各四般。湯飯一分。酒三鍾。

管待番夷土官筵宴

凡諸番國及四夷使臣土官人等進貢。例有欽賜筵宴一次二次。禮部預開筵宴日期。奏請大臣一員待宴。行光祿寺備辦於會同館管待。教坊司用樂。鴻臚寺令通事及鳴贊供事。儀制司領宴花人一枝。若使臣數多。分二日宴。如遇禁屠齋戒。移後三四日舉行。回還之日。差官伴送。沿途備辦飯食。經過去處。茶飯管待。各有次數。許鎮守總兵或三司。或府衛官二三員陪席。朝鮮國筵宴二次。宣德三年。使臣回還。

薊州永平府茶飯管待。

占城國、琉球國、爪哇國、暹羅國各筵宴二次。使臣回還。至廣東布政司茶飯管待一次。

哈密筵宴二次。使臣回還。至良鄉湯飯。陝西布政司茶飯管待一次。

瓦剌筵宴二次。正統間。使臣進貢。至大同茶飯管待一次。回還良鄉湯飯。至真定府。陝西布政司甘肅各茶飯管待。

亦力把刀筵宴二次。正統間。使臣回還。至真定府。陝西布政司甘肅各茶飯管待。○今例。至良鄉湯飯。陝西布政司管待一次。

撒馬兒罕筵宴二次。永樂間。使臣回還。至甘肅管待一次。○正統十二年。使臣數少。甘肅管待。多則陝西布政司管待。甘肅止送下程。○今例。至良鄉湯飯。陝西布政司管待一次。

魯迷嘉靖五年。奏准筵宴二次。

黑婁筵宴二次。宣德七年。使臣朝貢。至潼關。陝西甘肅管待。

上魯番筵宴二次。使臣回。至良鄉湯飯。陝西布政司管待一次。

滿剌加國筵宴二次。使臣回。至廣東布政司管待一次。○永樂間。使臣回。經過府州管待。○正統間。濟寧江西布政司。廣東布政司管待。○宣德八年。國王朝貢。廣東布政司。并南雄、贛州、臨江、淮安、濟寧各府州。

茶飯管待。至通州。令行在光祿寺辦送茶飯接待。

日本國筵宴二次。使臣回還。至寧波府管待一次。○宣德間。使臣至通州湯飯。令行在光祿寺辦送至。濟寧州。浙江布政司并寧波府茶飯管待。

錫蘭山國筵宴二次。使臣回至廣東布政司管待一次。

安南國。女直。朶顏。三衛。雲南土官。烏思藏等處。喇嘛番僧。罕東衛。養獅豹。回回。蠟燭地面。坤城地面。日落國。安定王。阿端地面。長河西。朶甘思。董卜。韓胡。金川寺。雜谷。安撫司。打喇兒寨。達思蠻。長官司。松潘。茂州。洮岷等處番僧。各筵宴一次。嘉靖二十二年。題准。安南都統使司。差來人員。不賜宴。○四十三年。復題准。照例筵宴。

火州。淳泥國。乞力麻兒。阿速地面。八荅黑商。忽魯謨斯國。乞兒蠻。米兒哈蘭。甘把里國。柯枝國。白松虎兒。古里國。荅兒密。那姑兒。南孛里。永樂間。筵宴一次。

阿丹國。左法兒國。天方國。加異勒國。黑葛達國。哈失哈力。宣德間。筵宴一次。○今例。天方國加宴一次。戎地面。哈刺孩衛。曲先衛。札加思蘭。買買回回。鎖魯丹。正統間。筵宴一次。

赤斤蒙古衛。天順間。筵宴一次。

蘇門荅刺。筵宴一次。使臣回。至廣東布政司管待一次。

榜葛刺國筵宴一次使臣回經過府州茶飯管待。

以必洗必兒筵宴一次使臣回至大同茶飯管待一次。

失刺思亦思把罕柳陳城永樂間筵宴一次使臣回經過府衛茶飯管待。

納失者罕王永樂間筵宴一次使臣回至保定眞定彰德衛輝懷慶河南各府潼關衛陝西布政司平涼府甘肅茶飯管待。

米昔兒永樂間筵宴一次使臣回至良鄉湯飯甘肅管待一次。

馬哈麻王永樂間筵宴一次使臣進貢經過有司茶飯管待。○天順四年陝西布政司茶飯管待一次。

兀良哈宣德間使臣朝貢沿途茶飯接待。

哈烈筵宴一次永樂間使臣朝貢經過府衛茶飯管待至涿州良鄉令光祿寺辦送茶飯接待回還自良

鄉抵陝西布政司經過府州茶飯管待。

火刺扎永樂十四年使臣進貢經過府衛州縣管待。

蘇祿國永樂十五年筵宴一次國王來朝經過府衛茶飯管待回還亦如之。

眞臘國景泰間筵宴一次使臣回還廣東布政司管待一次。

沙州衛正統間筵宴一次使臣回還至良鄉湯飯甘肅管待一次。

尙師法王。永樂間尙師法王來朝。經過府分茶飯管待。回還亦如之。可脫亂。永樂間使臣進貢。經過府分茶飯管待。至良鄉令光祿寺辦送茶飯接待。討東思。宣德六年使臣回。至真定府陝西布政司。甘肅茶飯管待。

迤北。正統間筵宴二次。○弘治元年使臣進貢。至大同茶飯管待。榆河驛湯飯。回還。至大同茶飯管待。

筵宴番夷土官卓面

洪武二十六年。每正一卓。果子五色。按酒五色。湯三品。小割正飯用羊。○永樂元年。上卓。按酒五般。果子五般。燒燂五般。茶食湯三品。雙下大饅頭。羊肉飯。酒七鍾。中卓。按酒果子各四般。湯二品。雙下饅頭。牛馬羊肉飯。酒五鍾。○天順元年。上卓。高頂茶食。雲子麻葉。大銀錠。油酥八箇。棒子骨二塊。鳳鷄一隻。小銀錠笑鑿二樛。茶食果子。按酒各五般。米糕二樛。小饅頭三樛。菜四色。花頭二箇。湯三品。大饅頭一分。羊背皮一箇。添換小饅頭一樛。按酒一般。茶食一樛。酒七鍾。中卓。寶粧茶食。雲子麻葉二樛。甘露餅四箇。鮮魚二塊。大銀錠。油酥八箇。小銀錠笑鑿二樛。果子。按酒各五般。菜四色。花頭二箇。湯三品。馬肉飯一塊。大饅頭一分。添換小饅頭一樛。羊肉一樛。茶食一樛。酒七鍾。下卓。寶粧茶食。大銀錠。油酥八箇。燂魚二尾。果子。按酒各四般。菜四色。湯三品。馬肉飯二塊。大饅頭二分。酒七鍾。○弘治十年。令會同館宴待夷人。禮部尉官一員。光祿寺正官一員。巡看務要卓面豐腆。酒味真正。宴畢待宴大臣宣命朝廷優待。至意。回還之後。各

守恭順管束部落毋得生事擾邊自取滅亡○十七年女直都指揮四員赴京以人少難請待宴官員奏准領宴

番夷人等朔望朝及見辭酒飯

上卓按酒用牛羊等肉共五牒每牒生肉一斤八兩茶食五牒每牒一斤果五牒核桃紅棗榛子每牒一斤膠棗柿餅每牒一斤八兩中卓按酒用羊牛肉四牒每牒生肉一斤茶食四牒每牒十兩果四牒核桃榛子紅棗每牒十兩膠棗十二兩酒三鍾湯飯各一椀○成化十一年迤北使臣朝見令中卓按酒每牒加四兩茶食每牒加二兩果品內核桃榛子紅棗各加二兩膠棗一牒加四兩餘同常例

番夷人等領宴

嘉靖二十八年建州左等衛女直都指揮僉事并烏思藏朶甘思宣慰使司國師番僧進貢值皇太子喪題准領宴○隆慶元年朝鮮國差陪臣謝恩加渴瓦寺達思蠻長官司法藏等六寺番僧各進貢到京值世宗皇帝喪俱免宴禮部行遼東都司并各該布政司候其回還各照宴例管待令總兵等官待宴

明會典卷之一百十五 禮部七十三

【膳羞二】

【下程】

王國下程

凡親王之國。永樂間。廚料醬一百斤。香油五十斤。椒二十斤。乾魚一百斤。醃羊一隻。子鱗魚四十斤。醃豬一口。醃鷄一隻。醃鹿一隻。醃麋二隻。醃雞九隻。白麪一百斤。茶芽五斤。茶葉二十斤。醬瓜四十條。黑沙糖十斤。藕煎五斤。木瓜湯煎五斤。醬茄一百五十箇。醋蒜三百箇。酒五十瓶。醋二十瓶。芝麻一石。糖茄一百五十箇。米三石。○宣德間。仍加豬二十口。羊二十隻。酒一百瓶。○成化間。令經過有司去處。送鷄二隻。時新菜蔬供用。

凡王來朝。洪熙元年。靖江王府。輔國將軍來朝。欽賜羊十隻。鷄十隻。雞二十隻。酒一百瓶。米四石。果子五色。茶食五般。柴三百斤。蔬菜廚料。又靖江王府。奉國將軍來朝。欽賜羊五隻。鷄五隻。雞十隻。酒十五瓶。米二石。果子五色。茶食五般。柴一百五十斤。蔬菜廚料。○宣德間。趙世子安陽王來朝。欽賜羊三隻。鷄三隻。雞六隻。酒三瓶。米一石五斗。柴四百斤。蔬菜廚料。○天順元年。襄王來朝回還。沿途飲膳廚料。并祇待隨

從內外官校人等經過軍衛有司量給供用。今題准不必親來朝賀。

凡各王府差來人員常例下程一次。鷄二隻。雞二隻。酒五瓶。米五斗。蔬菜廚料。

衍聖公張真人下程

洪武二十六年。鷄二隻。麪一十五斤。酒四瓶。茶醬鹽各一斤。燭一十枝。○洪熙元年。衍聖公進表赴京。飲賜羊一隻。鷄三隻。酒十瓶。麪二十五斤。茶鹽醬各二斤。油燭二十枝。○宣德四年。衍聖公張真人到京。飲賜羊一隻。鷄二隻。酒六瓶。麪二十斤。茶鹽醬各二斤。油燭十枝。白後俱照此例。舊屬膳部。辦送。今皆行順天府辦。

番夷土官使臣下程

凡諸番國及四夷土官使臣人等進貢等項到會同館俱有常例。并欽賜下程。禮部奏准通行。光祿寺支送。其欽賜下程一次者仍支常例下程。或五日。十日一次者常例下程住支。若已經給賞兩月之外不行回還者住支下程。○凡送夷人下程。光祿寺差屬官一員管押至會同館主事處驗給。○隆慶元年題准。凡四夷貢使領賞五日後遲留不行者。光祿寺住支下程。本部將伴送人員參治。

常例下程

洪武二十六年。五日。每正一名。猪肉二斤八兩。乾魚一斤四兩。酒一瓶。麪二斤。鹽醬各二兩。茶油各一兩。花椒二錢伍分。燭每房五枝。以上下程若奉旨優待不拘此例。○又每人日支肉半斤。酒半瓶。米一升。蔬

菜廚料。

欽賜下程

朝鮮國、安南國、占城國、琉球國、爪哇國、暹羅國，各下程一次。朝鮮等國每五人，琉球國每十人，羊、鷄、雞各一隻，酒十瓶，米五斗，蔬菜廚料。朝鮮國加果子、茶食各四般，柴炭各二百斤，暹羅國加酒十瓶。○正統六年，占城王孫等二十三人下程，牛二隻，羊四隻，鷄四隻，雞十隻，酒四十瓶，米二石，蔬菜廚料。○天順四年，占城王族下程，與王孫同，但減牛一隻。○嘉靖二十二年，安南都統使司差來人員下程，減舊例三分之一。○萬曆四年，題准朝鮮、琉球、暹羅、安南差來使臣下程，除欽賜及常例日支外，每三人五日，加給鷄一隻，雞二隻，酒四瓶，米一斗，果子五斤，隨從人等不加給。野人、女直、都督下程一次，每一人鷄一隻，雞二隻，酒二瓶，米二斗，麩二斤，果子四色，蔬菜廚料。日本國、滿刺加國、錫蘭山國、朶顏三衛、哈密、瓦剌，亦力把力、撒馬兒罕、土魯番、黑婁、蘇門答刺，以必洗、必兒戎地面、米兒哈蘭、米昔兒、李刺安衛、哈刺孩衛，買買回回、鎖魯丹、罕東衛、阿端地面、迤北、那姑兒魯迷、天方，各五日下程一次，每十人羊、鷄、雞各一隻，阿端地面酒二十五瓶，黑婁、那姑兒米五斗，麩十二斤八兩，果子一斗，蘇門答刺、那姑兒燒餅二十箇，米兒糖餅二十箇，哈馬減一十箇，蘇門答刺蔬菜廚料。○嘉靖十二年，題准哈密衛夷使三十四名，每五日與羊六隻，折去雞、鷄、撒馬兒罕夷使除五十五名正數外，餘人每五名十日與羊一隻。○二十二年，題准哈密夷人每五人五

日與羊一隻。鷓一隻。雞一隻。及米麪酒等物。○二十七年題准。哈密伴送下程。照夷便例給。

雲南土官。十日下程一次。每十人羊、鷓、雞各一隻。送牛肉地方每半米一斗。送糯米地方每半米一斗。酒二十五瓶。果

子四色。蔬菜廚料。○嘉靖十九年奏准。八百大甸頭目三十一人。每五日一次。牛肉七十七斤八兩。雞、鷓

各三隻。酒八十瓶。糯米一石一斗五升。蔬菜廚料。

榜葛刺國。下程一次。每五人羊、鷓、雞各一隻。酒十瓶。米五斗。麪十斤。果子四色。蔬菜廚料。

失刺思。宣德間。使臣八人。五日下程一次。羊、鷓、雞各二隻。酒二十瓶。米四斗。麪二十五斤。燒餅八十箇。果

子十五斤。蔬菜廚料。

納失者罕王。永樂間。使臣十八人。每日下程一次。羊五隻。鷓四隻。雞十隻。酒三十瓶。米一石。麪一百斤。果

子五斗。燒餅一百箇。糖餅六十箇。蔬菜廚料。頭目等十六人。三日下程一次。羊四隻。鷓三隻。雞四隻。酒二

十瓶。米七斗。麪五十斤。果子四斗。燒餅八十箇。糖餅三十箇。蔬菜廚料。

火州。永樂間。使臣二十五人。五日下程一次。羊四隻。鷓一隻。雞四隻。酒十五瓶。麪三十斤。米一石。餅一百

二十五箇。果子四斗。蔬菜廚料。

養獅豹。回回。永樂間。使臣九人。每日下程一次。羊一隻。鷓一隻。雞一隻。酒十瓶。米三斗。麪五十斤。餅五十

箇。

蠟燭地面。使臣五十人。五日下午程一次。羊七隻。鷺六隻。雞十隻。酒一百三十瓶。米二石。麪一百五十斤。果子一石。餅二百五十箇。蔬菜廚料。

亦思把罕。永樂間。使臣四十四人。每日下程一次。羊八隻。鷺二隻。雞十隻。酒三十瓶。麪八十斤。米一石。果子六斗。餅二百箇。蔬菜廚料。

淳泥國。永樂間。使臣二十一人。三日下午程一次。羊二隻。鷺四隻。雞八隻。酒二十瓶。米一石。麪三十斤。果子四色。蔬菜廚料。○洪熙間。使臣三十六人。三日下午程一次。羊五隻。鷺十隻。雞二十隻。酒十瓶。米二石。麪六十斤。果子五般。每般十斤。鹽五斤。醬三斤。花椒一斤。香油四斤。醋四瓶。茶二斤。蔬菜廚料。

阿速地面。永樂間。使臣一百十二人。三日下午程一次。羊八隻。鷺四隻。雞八隻。酒一百四十瓶。米二石五斗。麪一百五十斤。果子四色。燒餅一百二十箇。蔬菜廚料。

乞力麻兒。永樂間。使臣十一人。五日下午程一次。羊二隻。鷺二隻。雞四隻。酒十瓶。麪三十斤。米一石。餅六十箇。果子二斗。蔬菜廚料。

沙哈魯。永樂間。使臣七十七人。每日下程一次。羊十二隻。鷺四隻。雞十四隻。酒五十瓶。米一石五斗。果子一石。麪一百二十斤。燒餅二百箇。糖餅一般。蔬菜廚料。

忽魯謨斯。永樂間。使臣十四人。三日下午程一次。羊三隻。鷺二隻。雞四隻。酒十五瓶。麪四十斤。米一石。餅八

十箇。果子四斗。蔬菜廚料。

八峇黑商。永樂間。使臣四十人。每日下程一次。羊二隻。鶩二隻。雞五隻。酒二十瓶。米五斗。麪二十斤。果子二斗。燒餅四十箇。糖餅四十箇。蜜二斤。蔬菜廚料。三日一次。添送羊一隻。鶩一隻。雞二隻。米五斗。

柳陳城。五日下午程一次。每十人。羊、鶩、雞各一隻。酒七瓶。麪十五斤。米五斗。果子二斗。餅四十箇。蔬菜廚料。乞兒蠻。五日下午程一次。每十人。羊、鶩、雞各一隻。酒二十二瓶。麪十五斤。米五斗。果子二斗。餅五十箇。蔬菜廚料。

馬哈麻王。永樂間。使臣十三人。五日下午程一次。羊六隻。雞十隻。酒二十五瓶。麪一百斤。米一石。餅一百六十箇。果子七斗。蔬菜廚料。頭目六人。羊四隻。鶩三隻。雞四隻。酒二十瓶。麪八十斤。米一石。餅一百五十箇。果子六斗。蔬菜廚料。

甘巴里國。柯枝國。永樂間。使臣各六人。三日下午程一次。羊一隻。鶩二隻。雞四隻。酒十瓶。麪二十斤。米五斗。果子四色。蔬菜廚料。

白松虎兒。永樂間。使臣十六人。每日下程一次。羊二隻。鶩二隻。雞四隻。酒十瓶。果子二斗。米四斗。麪二十斤。餅六十箇。糖餅一般。蔬菜廚料。

古里國。永樂間。使臣十八人。三日下午程一次。羊二隻。鶩四隻。雞八隻。酒二十瓶。米一石。麪三十斤。果子四

色。蔬菜廚料。

蒼兒密。永樂間。使臣十八人。五日下程一次。羊二隻。鶩二隻。雞四隻。酒十瓶。麪三十斤。米一石。果子二斗。餅六十箇。蔬菜廚料。

敏眞城等處。永樂間。使臣四十人。下程一次。羊三隻。鶩一隻。雞二隻。酒四十瓶。米一石五斗。麪四十斤。果子二斗。燒餅五十箇。糖餅四十箇。蔬菜廚料。

南李里。十日下程一次。每五人。羊、鶩、雞各一隻。酒十瓶。米五斗。麪十六斤。果子四色。蔬菜廚料。

安定王。十日下程一次。每十人。羊一隻。鶩四隻。雞八隻。酒五十瓶。米一石。麪二十五斤。果子四色。蔬菜廚料。

阿丹國。宣德間。使臣四人。三日下程一次。羊、鶩、雞各一隻。米三斗。麪十斤。酒五瓶。果子四色。餅二十箇。蔬菜廚料。

朶兒只伯。正統間。使臣四人。十日下程一次。羊一隻。鶩、雞各二隻。米四斗。麪十斤。果子一升。燒餅二十箇。蔬菜廚料。

左法兒國。宣德間。使臣四人。三日下程一次。羊、鶩、雞各一隻。米三斗。麪十五斤。酒六瓶。果子四色。餅三十箇。蔬菜廚料。

曲先衛宣德間使臣七人五日下程一次羊鷄各一隻雞三隻米三斗酒二十瓶麪十五斤果子四色蔬菜廚料○正統間使臣二人十日下程一次羊一隻酒十瓶麪五斤米二斗果子四色燒餅糖餅各八箇蔬菜廚料

天方國加異勒國宣德間使臣各二人三日下程一次羊雞各一隻米二斗麪十斤酒三瓶果子四色餅二十箇蔬菜廚料

沙州衛正統間使臣四人五日下程一次羊鷄各一隻雞二隻酒十瓶米二斗麪五斤果子四色蔬菜廚料

哈失哈力宣德間使臣十四人三日下程一次羊鷄各二隻雞三隻酒二十一瓶米四斗二升麪二十一斤果子一斗四升蜜一斤餅四十五箇蔬菜廚料

赤斤蒙古衛天順間使臣四人五日下程一次鷄二隻雞四隻酒八瓶米八斗麪八斤果子四色蔬菜廚料

真臘國十日下午程一次每十人羊鷄各二隻酒二十瓶米一石五斗蔬菜廚料

黑葛達國宣德間使臣十一人三日下程一次羊一隻鷄二隻雞四隻酒十七瓶米四斗麪十五斤果子四色蔬菜廚料

日落國兀良哈哈烈女直都指揮等官火刺札烏思藏等處刺麻番僧蘇祿王尙師法王婆羅門可脫訖討來思訖加思蘭各止支常例下程。上官番僧人等無關文者不支。

凡使臣進貢沿途關支廩給口糧回還亦如之惟朝鮮占城琉球爪哇暹羅滿刺加日本錫蘭山迤北哈密瓦刺撒馬兒罕土魯番使臣回還沿途除廩給口糧外仍日支下程一處朝鮮等八國并迤北每人肉半斤酒半瓶哈密等每十人羊一隻酒二瓶半○宣德七年令失刺思等處使臣回到甘州月送羊酒半年之外止支本等廩給口糧○正統三年令瓦刺使臣停止去處每十人五日一次羊二隻酒十五瓶柴薪廚料○嘉靖二十八年奏准哈密每五人日支羊一隻酒二瓶半

凡各國番王親頭日人等朝貢到於福建廣東等處宣德二年令除筵宴及本等口糧廩給外日用下程番王每人雞二隻肉二斤酒一瓶柴薪廚料王親每人肉一斤酒一瓶柴薪廚料使臣頭目每人肉半斤酒半瓶柴薪廚料番伴女使人等止支口糧柴薪

凡夷人進貢及回至該布政司成化十九年令限二十日內照例茶飯管待起程如過期及中途無故停止一日之上者廩給住支

凡投降夷人正德元年令每名日支常例下程牛肉半斤酒半瓶米一升蔬菜廚料

凡各國漂流及擒獲夷人嘉靖四十五年題准令到館照依投降夷人事例給與日支下程

明會典卷之一百十六

禮部七十四

【廚役】王府典膳廚後附

廚役隸光祿寺者。以給膳羞。隸太常寺者。以供祭祀。累朝因事增加。名數太濫。今皆清查。著有定額。

光祿寺廚役

凡光祿寺廚役。洪武二十六年定。凡選取各項廚役。或事故新僉。光祿寺具呈本部。照數類行各處。選取精壯慣熟。無過犯殘疾之人。起送到部。轉發光祿寺著役。若有廚役病故。遣下家小呈送到部。劄付應天府給引。今劄順天府或遞送回還原籍。○弘治間定。光祿寺廚役起送來京者。有司連當房妻小。給與口糧。脚力紅船。告補者。遇有弟男等項。禮部查勘明白。發寺替補。告老疾無丁代替者。本部先送光祿寺勘驗明白。取具該署官吏人等不扶結狀。繳部覆審無礙。具奏類送順天府給引照回。免其雜泛差役。仍行有司僉補。逃廚兒男告補者。本部行勘明白。暫令補役。正身自首。仍行文替出。在逃三月之外者。參送法司問罪。送回轉發著役。三月之內。免送問。隨發著役。在逃三次者。依律責罰畢。仍發口外爲民。當房家小隨住。計光祿寺廚役額數。

宣德十年奏定五千名。後增至六千八百八十四名。嘉靖八年。見在食糧五千六十四名。九年議准。以

四千名爲額。十六年增一百名。三十四年後減至三千六百名。隆慶元年題准三千四百名。永爲定額。

太常寺廚役

凡太常寺廚役。弘治間定。分撥太廟。郊壇供祀。其在逃未及三月者收役。三月之外者送問。及逃廚兒男。告補暫替者。俱與光祿寺例同。其父母原籍病故者。禮部行查無礙。給引照回奔喪。限半年。十箇月。仍回復役。其有刑餘喪過者。不許登壇。其爲事曾經法司的決者。改送光祿寺當差。其弟男等項告替者。弘治七年奏准。照景泰間例。俱本部查勘明白。一年二次類奏替補。送寺著役。其老疾無丁代替者。本部查勘明白。亦類奏送順天府。給引放回。仍行原籍僉補。其訐告詞訟。及因人連累。問該苔杖罪名者。納鈔。仍送本寺著役。徒罪以上。及姦盜詐僞。并有誤供祀等項。不分輕重。俱的決做工。改撥光祿寺應役。正德六年。奏准。徑發爲民。今照嘉靖元年事例。降撥者止終本身。餘丁仍當舊役。

計太常寺廚役額數

洪武間。原定四百名。永樂中增二百名。景泰六年增三百名。成化十五年增三百名。弘治五年增三百名。共一千五百名。分撥供祀。嘉靖八年。見在食糧一千二百一十名。九年議准。以一千名爲額。十六年。奏復一千五百名。二十九年。以後減至一千一百名。隆慶元年。題准一千五百名。萬曆十一年。題增二百五十名。見在一千三百名。永爲定額。

二寺廚役通例

弘治十三年奏准。二寺逃回廚役許里甲人等首官解部。不許津貼盤纏。其在原籍中途。及到部挾詐誣騙。害害人者。問罪。原詞立案。不行逃回。至三次者。問發口外爲民。○嘉靖元年題准。二寺廚役。行委該寺公正官。查審見在。替僉替役。逐名年貌籍貫。著役月日。曾否逃回。有無妻室。支糧若干。及每寺原額若干。逃故若干。已勾未到。見在當差若干。撥與各監若干。重復頂補。卽與改正。有糧無人。卽與除豁。備造青册二本。一本留寺。一本送部。以憑類填格眼文簿。仍審眞正弟男子侄。不拘丁數。實報年歲。另造餘丁文册送部。遇廚役事故。餘丁年十五以上。對册相同。方准替役。其年六十以上。老疾無丁者。送寺勘明。類送順天府。給引照回。免本身差役。仍具奏僉代。其逃回原役。嚴限起解。津貼盤纏。不得過二十兩。新僉替役。務加存恤。不許廚甲人等勒措需索。逼令逃回。以後二寺。三年一次。通查食糧。并餘丁名數。十年一次造册。各送部稽查。格眼簿內。見在逃故名役。通行原籍知會。見在及有餘丁。不許重勾原籍戶丁。原籍亦不許以查理爲由。重複起解。致擾里甲。○六年題准。廚役有缺。選各餘丁。及同鄉人補役。免行原籍清勾。○九年議准。凡詭名冒頂。遠年逃故廚役者。通行革退。仍停止同鄉頂補之例。以後廚役消乏。太常寺不足一千名。光祿寺不足四千名。許選在册餘丁。有力業者。送部查驗收役。不許輒行原籍勾擾。仍三年一次。攢造餘丁文册。送部查考。不許仍前一槩濫收。若果餘丁不足。本部另行議處奏請。○又議准。二寺每年各

委堂上官一員。督同博士、四署掌印官、清理廚役。督察一應奸弊。遇歲更代之際。仍會同巡視科道。并本部委官查考一次。如有占役詐冒情弊。就行參治。其神宮監、大亨門。并該寺各署寫字人役。亦於年終會查更換。○又議准。各處禁密之地。該內臣執役。非廚子所敢擅入。及各處事簡人多者。俱量行裁革。備造文冊查考。永爲定例。○又議准。神宮監奉先殿內臣。太常寺每月輪撥廚役二百名。與供薪水。如遇致祭打掃。仍取回供役。其驚趕寒鴉等項人役。每日辰入巳出。不詐措留私作。尙膳監內臣。原跟用廚役六百三十六名。光祿寺亦量撥與二百名分用。餘俱取回該寺。查照原署著役。凡先前占用廚役。已經清查退出者。該寺及原委科道官。照名查點。分撥當差。不許虛稱退出。仍舊占用。其太常寺直廳門庫等項。既有兵部僉撥人數。不許又用廚役。止撥與卿五名。少卿四名。寺丞三名。典簿博士二名。看守牙牌祭服。不許巧立名目。冒占。違者聽監收錢糧科道官糾舉。○十七年題准。今後廚役各司府。非奉禮部明文清勾。不許擅自起解擾民。○十九年題准。神宮監差使廚役。係太常寺額內之數。不許增添。○三十六年題准。二寺各役食糧。每名除月支六斗外。妻糧減去一斗。止支三斗。○隆慶元年題准。太常寺廚役存留一千五十名。內神宮監直廬薪水三百名。看庫二十二名。看壇一百二十五名。又大衆每月四日拔草。四孟及歲暮先期十日。各准四十名。暫赴執役。事畢回寺。其每日驚趕寒鴉二十名。卽於直廬薪水三百內差用。仍遵先年事例。一應祭祀公務。照舊供役。光祿寺存留三千四百名。除大庖廚留七百名。大亨門一百名。涼

構伴當三十名。東西捨飯店五十名。御酒房四十名。苦酒房二十名。餘者悉掣回寺當差。其各衙門廳署跟隨寫字等項。該寺堂官務要劑量撥用。不得仍舊多占。

王府典膳廚役

凡王府典膳遇有員缺。禮部移咨吏部。查取光祿寺廚役。年深無過者選用。○萬曆元年題准。廚役冒籍者多。止納官錢。未嘗實歷。今後王府典膳有缺。本寺務加詳覈。果係年深親歷。方與呈送吏部選用。凡王府廚役。弘治十六年奏准。王府老疾廚役名缺。原戶丁不願替役者。務要奉有本管上司明文。方許於相應人戶內僉補。其有扶同王府人員。朦朧僉補者。治以枉法贓罪。各該布政司。仍行長史司啓王知會。凡有廚役名缺。除該護衛并儀衛司僉撥者。仍舊僉補外。其應該民間僉補者。長史司勘實。行布政司轉行原僉州縣。照名僉補。教授等官。不許憑憑下人哄誘。私出批帖。開寫令旨。逼勒殷實大戶。圖利侵害。違者許本人具告。合于上司。查究治罪。○又定。郡王府廚役。每位四名。行令有司與護衛人戶內。中半僉撥。○正德四年奏准。各處鎮巡等官。通查各王府民廚。退回原籍當差。止撥軍廚應役。如無護衛儀衛司去處。照舊其撥用後。不許分外科擾。致令消乏。累民僉補。該衙門如有占恠民廚。不行退革。及科擾各項廚役者。并輔導官治罪。○嘉靖二年題准。新封郡王。照例撥給軍廚四名。其有奏討民廚者不准。○九年題准。王府新封應僉及逃故老疾廚役。除有護衛儀衛司去處。照舊僉撥軍廚外。其無護衛儀衛司。例該僉

撥民廚者俱照民校事例每名每年於均徭內帶徵銀一十二兩類解布政司轉發該府長史司雇人應役○三十一年題准各王府郡王無護衛儀衛司者許從實具奏撥與民廚二名每名徵銀十兩給發雇役近例見儀制司王國

【牲口】

牲口屬禮部歲派各省府州例有定數皆類解光祿寺有徵折價者卽貯該寺庫中收買應用其會試供給折價解順天府

凡歲派光祿寺牲口十萬隻口上半年五萬隻口下半年五萬隻口俱行浙江等布政司兩直隸各府派屬徵解○成化四年奏准浙江江西湖廣福建應天廬鳳等府州俱解折色定與價例每豬一口銀一兩七錢羊一隻銀一兩鷄一隻銀三錢雞一隻銀七分河南山東山西陝西淮揚二府徐州及北直隸仍解本色豬羊雞鷄惟祭豬每口折徵價銀五兩祭羊每隻徵價銀六兩卽大尾綿羯羊山西順天真定仍解本色祭羊○弘治二年奏准山西并二府祭羊亦折徵價銀四兩○嘉靖七年奏准河南等處順天等府通折徵價銀每豬一口銀一兩九錢五分羊一隻銀七錢五分鷄一隻銀三錢雞一隻銀七分通行光祿寺貯庫收買應用

河南三十八口

山東三十二口

保定府八口

大名府八口

永平府十口

廣平府八口

順德府六口

揚州府十四口

淮安府十六口

眞定府十四口

徐州六口

祭羊二百五十隻

河南十隻

陝西三十四隻

山東三十四隻

山西三十八隻

順天府四隻

眞定府十六隻

保定府十二隻

河間府十隻

大名府十六隻

永平府八隻

廣平府十二隻

順德府十隻

揚州府十六隻

淮安府二十隻

徐州十隻

肥豬一萬八千九百口

河南一千八十口

保定府三百一十六口

大名府二百七十六口

廣平府二百二十口

揚州府五百一十口

真定府三百八十六口

順天府二百七十口

江西一千五百五十口

福建一千三百二十口

廬州府四百口

鳳陽府三百一十口

徽州府六百八十口

山東一千一百六十口

河間府二百七十六口

永平府二百八十六口

順德府二百三十口

淮安府七百一十口

徐州二百二十口

浙江一千八百二十口

湖廣一千二百四十口

應天府四百四十口

安慶府四百口

寧國府四百五十口

池州府二百口

太平府二百六十口

蘇州府一千二十口

松江府七百四十口

鎮江府七百二十口

常州府九百口

廣德州二百八十口

和州一百五十口

滁州八十口

綿羯羊一萬七百五十隻

河南五百四十二隻

陝西二千四百六隻

山東一千三百六十六隻

山西二千六百五十六隻

保定府三百二十二隻

河間府三百二隻

大名府三百二十四隻

永平府三百二隻

廣平府二百八十二隻

順德府二百二隻

揚州府三百四隻

淮安府三百三十四隻

真定府四百四十四隻

徐州一百四十二隻

順天府一百二十二隻

應天府二百隻

廬州府一百八十隻

安慶府一百七十隻

鳳陽府一百五十隻

鷺三萬二千四十隻

河南二千二百八十隻

保定府四百九十隻

大名府五百隻

廣平府四百六十隻

揚州府一千四百四十隻

真定府七百四十隻

順天府六百五十隻

江西四千七百四十隻

福建一千二百隻

寧國府九百二十隻

池州府六百二十隻

蘇州府八百二十隻

山東一千七百隻

河間府二百五十隻

永平府四百二十隻

順德府五百七十隻

淮安府一千五百六十隻

徐州六百六十隻

浙江四千八百二十隻

湖廣一千二百隻

應天府二千隻

徽州府一千一百隻

太平府六百八十隻

鎮江府五百九十隻

常州府六百九十隻

松江府八百四十隻

雞三萬七千九百隻

河南五千三百二十隻

山東二千九百隻

保定府三千一百四十隻

河間府二千隻

大名府二千五百八十隻

永平府二千六百隻

廣平府二千一百八十隻

順德府二千一百三十隻

揚州府三千三百隻

淮安府四千一百九十隻

真定府三千二百隻

徐州七百六十隻

順天府二千六百隻

浙江六十隻

江西六十隻

湖廣四百隻

福建三百四十隻

應天府六十隻

徽州府四十隻

蘇州府四十隻

純色牛犢四十隻

順天府五隻

真定府八隻

保定府六隻

大名府六隻

廣平府四隻

順德府四隻

河間府四隻

永平府三隻

先年光祿寺奏准奉先殿等祭祀缺少純色牛犢禮部行派順天等府三年二次解納共四十隻。○嘉靖七年奏准每牛犢一隻折徵銀五兩解寺貯庫收買供用。○三十二年題准每年加派牲口銀二萬四千九百七十八兩一分二釐九毫分派各省并直隸府州至四十一年戶部奏該寺錢糧見已充裕將加派銀兩改納太倉以濟邊儲。

凡會試天下舉人入院出院管待茶飯并內外簾官舉人巡綽官軍人等飲饌合用牲口俱坐派直隸各府。

緒四十三口

永平府五口

真定府十口

保定府九口

大名府九口

廣平府五口

順德府五口

羊五十三隻

永平府五隻

真定府十一隻

保定府十一隻

大名府十隻

廣平府九隻

順德府七隻

鷓八十一隻

永平府十隻

真定府十九隻

保定府十三隻

大名府十九隻

廣平府十隻

順德府十隻

雞一千五十隻

永平府一百二十隻

真定府二百四十六隻

保定府二百四十六隻

大名府二百四十六隻

廣平府九十六隻

順德府九十六隻

乾魚二千五百斤。俱河間府出辦。

弘治七年題准。永平等府供用不敷。行浙江等處。九布政司。并應天府。共徵銀九百兩。責付本處。司府朝覲官吏齋解到部。送儀制司轉發順天府收貯待用。○隆慶元年題准。會試諸費實該銀一千八百六十

一兩五錢四分。除額徵牲口等價。并各省解到前銀止。共一千一百九十九兩。其餘于順天府貯庫鋪行銀內動支六百六十二兩五錢四分。補足前數。後爲定例。

【藏冰】

凡藏冰。洪武二十六年定。每歲冰結之時。禮部堂上官預先奏聞。膳部官赴內官監關支鑰匙。錦衣衛差撥力士。或工部差撥脚夫。各備器具。赴正陽門外。打掃冰窖。就令戶部關撥新鮮稻草。并蘆席襯墊完備。伺候冰凍。揀擇潔淨去處。取冰。節次挑赴冰窖內。如法收藏。封鎖。將鑰匙送赴內官監。仍移付祠部照例祭祀。著軍人看守。以備應用。

凡內府冰窖收藏冰雪。係內官監官自行提調。合用襯墊蘆席稻草。禮部照例移咨戶部。依數支撥。就差人送內府冰窖處所交收。

【器皿】

凡宴享合用一應器皿。洪武二十六年定。光祿寺開呈禮部移咨工部。照數造完轉發。光祿寺收用。舊宴器皿各歲器皿。廠造一萬件。發光祿寺收用。合祭享等器。兩京工部歲造。共一萬二千件。用尙不敷。奏准工部歲給光祿寺銀二千兩。相兼造用。

凡鑄完廚役雙魚銅牌。禮部具印信手本。開寫號數。送內府印綬監收掌。凡遇光祿寺廚役合用銅牌。該寺自具手本。赴該監關用。

【行移】

凡行移。洪武二十六年定。凡有一應行移在外事務儀部等四部。各開事件移付通具印信手本。赴禮科關填勘合。照會各布政司。并割付直隸府州。照依坐去勘合內事件。轉行所屬作急理辦。如有違誤不完。仍行催督。每於年終各該有司。分豁已未完結事件。連原填去勘合張數。造册差人親齎奏繳。仍用備細開報本部。以憑查銷。其填寫勘合。禮部照依地方編寫字號。內外底簿二扇。并勘合字號紙。編寫畢。押印完備。外號底簿。發去各布政司。并直隸府州收掌。內號底簿。并勘合號紙。禮部收貯。候儀制等四司。凡有一應行移在外事務。移付本司發勘合科填寫號紙。照會各布政司。并割付直隸府州。赴通政司掛號。送兵部車駕司轉發。司府州。比對硃墨字號。相同施行。如號紙盡絕。照字號接編如前。各該司府州候年終。將發去勘合。并底簿折粘具本奏繳。仍具青册一本。送禮部查考。

勘合字號

浙江以字

江西准字

陝西誠字

廣東及字

廣西卽字

河南正字

湖廣各字

雲南若字

貴州柔字

山東格字

山西致字

四川其字

福建皆字

安慶府能字

松江府賢字

蘇州府功字

淮安府平字

鳳陽府修字

廬州府勤字

保定府雨字

應天府雲字

揚州府齊字

河間府露字

徽州府貴字

寧國府原字

眞定府騰字

順德府麗字

常州府故字

池州府亨字

大名府結字

永平府金字

廣平府霜字

鎮江府親字

太平府賓字

保安府岡字

滁州官字

徐州治字

隆慶州峴字今延慶

廣德州列字

和州利字

萬曆二年議准。凡宗藩勘合。許各王府差來員役。執批告領。本司驗批給發。卽于封袋上填註。發行月日。及姓名期限。仍置立文簿登記。其山東、河南、山西、陝西、湖廣。每季終。江西、廣西、四川。每上下半年。將發過公文號數。領齋日期。人役姓名。通行各布政司知會。各布政司亦照所議。奉到勘合。將緊要節略。攢造文冊報部。其年終奏繳仍舊。

明會典卷之一百十七 禮部七十五

南京禮部建置見吏部官制

儀制清吏司

凡南京吏部等衙門。每年慶賀萬壽聖節表文。俱本部具本。輪該南京六部、都院察、通政司、大理寺、堂上官一員齋進。惟南京太僕寺專官齋進。若慶賀皇太子千秋節箋文。俱具本輪差南京太常寺、光祿寺、國子監、鴻臚寺、翰林院、欽天監、太醫院堂上官一員齋進。其南京太僕寺并太平等十三府、廣德等四州、兩淮鹽運司箋文。俱送本部轉差南京太常光祿等衙門屬官一員類進。慶賀冬至、正旦表文。俱具本輪差部院等衙門屬官一員箋文。輪差太常光祿等衙門屬官一員。各齋進。其南京太僕寺并太平等府州鹽運司表箋。俱送本部差官類進。○隆慶三年奏准。南京太僕寺總附南京九卿列銜併進。不必另具表差官。

凡加上皇太后尊號、徽號、冊立中宮、東宮及皇子生慶賀大典禮。照萬壽聖節例。部院通大堂上官輪流進表。

凡該慶賀、問安、奉慰等禮。儀制司先行南京文職衙門。取職名僉本差官齋奏。列名以本部爲首。

凡南京武職三品至七品文職七品至九品官弘治十七年奏准今後凡遇進表習儀等項敢有不遵定制不具朝服儉安託疾者本部并糾儀御史參究

凡各府州縣部運糧草官吏及考滿到南京者遇該聖壽等節照例隨班行禮如違聽本部指名參究凡歲終滿除勅諭本部候禮部差官齎送膳黃一道到日會同三法司堂上并本部司屬官各具吉服出迎于大門外捧勅官由中道進置于香案上先行叩頭禮畢立于香案左本部同三法司堂上并本部司屬官入班行一拜三叩頭禮畢禮生捧勅人穿堂膳黃送各衙門遵照滿除

凡遇大婚本部候禮部差官齎捧選婚榜文到日通行內外守備府部等衙門知會一面行應天府錦衣等衛五城兵馬司各將該管地方官員軍民良善之家女子年貌相應者盡數訪報本部委劄司官及門看選取具年甲籍貫并三代父母外祖姓名造册一面行工部於舊內修貴人房搭選婚廠兵部備馬快船應天府備首飾衣服器皿候欽差內侍官齎勅到開讀擇日看選選中者就於貴人房安頓應天府供給糜膳兵部應付勘合啓行若選求妃嬪專勅本部堂上官選送者具本差司官護送禮儀供應大約如前

凡遇應天府鄉試南京國子監考取在監監生造册送部轉發應天府應試其在部歷事監生并歷滿未經起送者及鑄印局儒士欽天監天文生太醫院醫生太常寺光祿寺在冊廚餘子弟諳曉三場者一體

考送應試。

凡南京國子監。每年膳夫一百名。俱本部行催起解轉發國子監交收。

凡禮部咨送舉人及歲貢等項生員到部。剗付南京國子監收發肄業。其坐監歷事舉人告應會試者。咨送禮部。若下第回部違限者。限外不准坐監歷事日期。

凡新舊舉人監生入監復監者。本部准禮部咨。俱限七箇半月到部。違者依律送問。

凡南監坐監舉人監生了髮者。本部儀制司憑原籍官司文書養病者。憑本監典簿廳保勘。畢姻及搬取家小送幼子還鄉者。儀制司定與限期。俱送應天府給引回還。

凡琉球國起送陪臣子弟赴南京國子監讀書習禮。本部轉行各該衙門供給廩米柴炭及冬夏衣服。回國之日。差通事伴送至福建回還。

凡南京公侯駙馬伯應用因充儀從。俱准刑部各司手本轉送著役。

凡鑄印局舊額設大使。副使各一員。食糧儒士二名。辨驗各衙門印信。并寫表箋本章。後裁革大使一員。儒士一名。每遇考選儒士。通行應天等府。浙江。江西。湖廣。福建。各布政司。訪保身家無過。楷篆精熟。兼通文理子弟。起送赴部。會同吏部堂上官考選。○嘉靖十五年題准。鑄印局儒士許設三名。本部會同吏部考選收局。首名食糧辦事。第二名第三名習學。遇有糧缺。挨次考補。

凡南京大小衙門四品以下文官。嘉靖十五年奏准。不許乘轎。其六科相遇部院三品以上官員。亦照在京引馬遜避。若有故違。聽本部參治。

凡官員人等。弘治十五年令。南京城內。不許官員人等張用涼傘。止許用油傘。

祠祭清吏司

凡南京陵寢等項祭祀。本部每年准禮部咨預行南京太常寺等衙門。各以時致祭。惟歷代帝王廟。遇子午卯酉年。朝廷傳制遣道士齋香致祭。各陵寢本廟不祭。嘉靖十一年。建帝王廟於京師。罷本廟祭。

凡遇大祀天地。南京大小文武衙門官吏監生。各於本衙門齋宿三日。仍具職名揭帖。送點齋御史查點轉繳。

凡孝陵奉祀。專勅勳戚大臣一員行禮。遇忌辰。不用祝文。惟用酒果奠獻。萬壽聖節及元旦等節。俱同。惟清明、中元、冬至三大祭。祝版內恭書御名。遣奉祀官進殿行禮。文武百官列班陪祀。

凡遇登極。遣勳戚大臣祭告孝陵。本部轉行南京太常寺辦祭品。遣官至日。南京文武百官各吉服。在正陽門外迎接香帛到部。行五拜三叩頭禮。仍行南京欽天監擇日致祭。文武官陪祭如常儀。

凡陪祀孝陵。不論忌辰吉祭。不限品級。不忌期功喪。文武官俱服淺淡色衣行禮。以三更一點爲期。先於監禮御史等處報名進入。如先期不報。臨期不至。及輿馬擅入紅門。聽監禮官參究。

凡南京各衛官軍。每年打掃天地壇一次。本部先准禮部咨行南京中軍都督府。差撥應用。凡每年二次出制帛。文武衙門官員俱吉服。騎導於郭門之外。有不至者。監禮官查參究治。

凡南京祭祀犧牲。本部准禮部咨。委官往直隸和州并江浦縣。揀選黃黑牛犢。赴本部交納。和州二十七隻。江浦一十八隻。山北羊隻行陝西。浙江二布政司并直隸寧國府。收買解本部。陝西北羊四十隻。浙江山羊一百隻。寧國府山羊四十隻。俱轉發南京太常寺應祭。○嘉靖九年奏准。山羊每隻折徵價銀一兩二錢。通行各該府分照數徵收銀兩。解送本部發南京太常寺會官收貯。如遇缺牲應用。本寺差委的當人員領銀買辦。須要角正色純堪用羊隻。會官驗中。發所喂養備用。若積有餘剩銀兩。准作下年支用之數。著爲定例。

凡遇災異。及修理壇廟等項。舊例祭告天地社稷山川。孝陵神烈山。大江之神。照在京儀注用醑醢酒果將事。餘悉罷。

凡南京太常寺樂舞生。事故名缺。本部查勘收補。

凡每年三月內。禮部咨送到次年大統曆樣。發南京欽天監刊造印完。至十一月初一日。給散南京各衙門。及南京太僕寺兩淮鹽運司直隸府州縣。

凡各處該解南京欽天監造曆紙劄。每年以六月終爲限。違者參究。

凡每年春秋二丁祭先師孔子。若與上陵日相同。百官先赴陵行香。次赴文廟行禮。其主祭及監禮官。止在文廟齋宿。

凡南京欽天監五官靈臺司曆各正官員缺。本監具呈南京吏部。移咨吏部題奉欽依。回咨南京吏部轉咨本部行監查取食糧。年深天文生送部考中。咨送南京吏部轉咨吏部題補。

凡南京欽天監天文生有缺。本部於年終將習學子弟。督同該監堂上官考試。果係術業精通。照例題請食糧辦事。一缺而二人俱通。先儘嫡派。如術業未通。仍令習學再考。

凡考選南京欽天監推算觀候子弟。本部揀選分撥。各令父兄教習聽用。

凡浙江等布政司解到藥材。本部委官同南京太醫院驗收。

凡南京太醫院醫士醫生名缺。本部取勘明白。行令著役候年終考校。已食糧居一等者給與冠帶。二等三等仍舊食糧。四等者革冠帶停糧習學再考。其未食糧考居一等者題准食糧。二等三等四等仍令習學。以候再考。

凡神機營四惠軍藥局提調醫士未冠帶者。三年無過。赴部告明給與冠帶。九年積有勞者。欽送南京吏部起送吏部奏除署吏目。仍支醫士月糧。在局提調。遇有恩例。實授三年。照例給由。

凡南京惠民藥局大使員缺。嘉靖七年奏准。南京吏禮二部於醫士內考選轉咨吏部銓補。

凡遇年終神樂觀將在觀官道僧錄司將各庵寺僧人道錄司將各宮觀道士三茅山元符宮將本宮道士教坊司將六院樂戶男婦戶口各造冊送部差人類送禮部收查。

凡南京僧道錄司申到各寺觀住持名缺本部覆勘明白咨禮部給劄住持。

凡南京教坊司官及俳長色長名缺本部查勘明白咨禮部奏補。

凡南京赴任及經過官員弘治十七年奏准進城出城俱赴孝陵見辭違者參奏○隆慶三年題准辭謁孝陵官員先期赴南京鴻臚寺報名定差序班二員贊禮行禮以黎明爲期如有不到及失儀者聽贊禮官糾舉呈報本部季終類參罰治。

主客清吏司

凡浙江湖州府長興縣直隸常州府宜興縣湖廣寶慶府新化縣每年送至薦新茶芽福建建寧府建安縣每年送至茶芽紫筍直隸滁州衛每年二次送至天鵝鴈鷓鴣鶉鷄鱖魚俱本部收送南京光祿寺供薦及類進。

凡直隸寧國府宣城縣雪梨蘇州府吳縣柑橘浙江杭州府錢塘仁和二縣甘蔗俱本部收送南京太常寺供薦及類進。

凡福建廣東等布政司解到番國所貢硫黃蘇木胡椒番錫等物俱本部送南京內府廣積等庫收貯。

精膳清吏司

凡各處解到南京太常寺、光祿寺在逃廚役，本部送南京刑部問發。該寺收役，若廚役告稱有疾，願將報冊弟姪兒男替役者，本部行該寺勘結發令替役。其告鰥寡老疾無丁者，行該寺勘結送應天府給引寧家。行令原籍於相應民戶內僉補。

行人司

洪武十三年置行人司，正九品衙門。設行人左右行人，職專奉使。後改行人爲司正，左右行人爲司副。更設行人三百四十五員。二十七年，陞正七品衙門。嘉靖中存三十七員。萬曆九年革五員，今爲三十二員。其出使禮儀詳見禮部儀制司，茲不載。

凡差文武大臣往各王府持節行冊封禮，本司官例充副使。

凡開讀詔赦，奉使四夷，諭勞賞賜，賑濟徵聘賢才，整點大軍，及軍務祭祀等事例，該本衙門官差遣，不許別衙門侵奪。如臨時乏人，方許別官兼差。○嘉靖十七年題准，今後除冊封宗藩，照例於翰林六科等衙門行取相兼，上請點用外，其餘一應差遣，先儘行人。如行人不敷，然後訪取各衙門空閒官，量情借差。凡原有專職衙門并辦事進士，通行禁革。其行人出差，照原定地方水程，嚴立限期，亦不許枉道過家，遷延久住。○二十四年，令出使外國官，務選儀度脩偉，不許一槩輪差，或所用非人，著該科糾舉。

凡行人公差在外。洪武間定。如遇旦節慶賀。有職者隨品序列。若係齋詔勅使臣。則於月臺上先行五拜三叩頭禮退。

凡行人奉旨公差在外。洪武間定。與本處官東西坐。行人居東。如在州縣則居中靠東坐。非特旨差使。齋各衙門印信公文。止許投下公文。隨即入館。不許在廳與在職官列坐。

凡審諭罪囚。洪武三十年。置政平訟理二廡。除武臣死罪。上親鞫問。其餘法司以所犯具奏後。引罪囚至承天門。本司官持訟理廡傳旨諭之。其無罪應釋者。持政平廡宣德意遣之。後不行。

凡刑部都察院。問過充軍犯人。送五軍都督府編發者。每五日。各開報本司。本司歷事監生填寫精微文簿。填滿繳進內府。

凡本司官出使外國。俱賜給品服。

凡本司合用紙劄。於刑部關用。印色。於順天府買用。

南京行人司本司。今止左司副一員署印。

明會典卷之一百十八 兵部一

兵部

尙書左右侍郎掌天下武衛官軍。選授簡練鎮戍廐牧郵傳輿皂之政令。其屬初曰司馬曰職方曰駕部曰庫部。後改司馬爲武選。駕部爲車駕。庫部爲武庫。職方仍舊。俱稱清吏司。

武選清吏司

卽中員外郎主事。分掌武官陞調襲替優給誥勅功賞之事。

【銓選一】

【官制】【資格附】

凡內外大小軍職。衙門官員。具在職掌。俱有額數。及原定資格。其後武職陞授漸多。不復能拘額數。但有見任帶俸之別。其資格仍舊。

武官額員及資格

都督府

左都督正一品

右都督正一品

都督同知從一品

都督僉事正二品

留守司

洪武初置中都留守司嘉靖十八年增置興都留守司次中都而序設官同

正留守正二品

副留守正三品

指揮同知從三品

都指揮使司

都指揮使二員正二品

都指揮同知二員從二品

都指揮僉事四員正三品

衛

指揮使一員正三品

指揮同知二員從三品

指揮僉事四員正四品

衛鎮撫二員從五品

所

正千戶一員正五品

副千戶二員從五品

所鎮撫二員從六品

百戶一十員正六品

儀衛司

儀衛正一員正五品

儀衛副二員從五品

典仗六員正六品

百戶所鎮撫各有試職。試職起。永樂十五年。作一級支半俸。

都督同知、都督僉事、都指揮使同知僉事、指揮使同知僉事、正副千戶、試百戶、試所鎮撫。各有署職。凡署職。遞加本職一級。署副千戶。以實授。署職起。景泰元年。作半級不支俸。

士官額數及資格。舊屬吏部文選司洪武三十年改屬兵部。

宣尉使司

宣尉使一員從三品

同知一員正四品

副使一員從四品

僉事一員正五品

宣撫司

宣撫一員從四品

同知一員正五品

副使一員從五品

僉事一員正六品

安撫司

安撫一員從五品

同知一員正五品

副使一員從六品

僉事一員正七品

招討司

招討從五品

副招討正六品

長官司

長官正六品

副長官從七品

蠻夷官、苗民官、千夫長、副千夫長、土官中頭目、原無專職品級。

【勳祿】

凡武官勳祿具在職掌。一品至六品所授上柱國至武騎尉。曰勳。歲支俸米。曰祿。遇有除授官員。須要明白照品定擬。大明令。洪武禮制。正一品勳有上柱國。後更定。

正一品勳、左柱國、右柱國。月支祿米八十七石。歲該一千四十四石。

從一品勳、柱國。月支祿米七十四石。歲該八百八十八石。

正二品勳、上護軍。月支祿米六十一石。歲該七百三十二石。

從二品勳、護軍。月支祿米四十八石。歲該五百七十六石。

正三品勳、上輕車都尉。月支祿米三十五石。歲該四百二十石。

從三品勳、輕車都尉。月支祿米二十六石。歲該三百一十二石。
正四品勳、上騎都尉。月支祿米二十四石。歲該二百八十八石。
從四品勳、騎都尉。月支祿米二十一石。歲該二百五十二石。
正五品勳、驍騎尉。月支祿米一十六石。歲該一百九十二石。
從五品勳、飛騎尉。月支祿米一十四石。歲該一百六十八石。
正六品勳、雲騎尉。月支祿米一十石。歲該一百二十石。
從六品勳、武騎尉。月支祿米八石。歲該九十六石。
武官原無七、八品。士官有從七品。亦不支俸。

凡有軍功陞俸。後又有功陞級者。若與所陞俸級相同。即將原陞俸住支。止支本等職俸。
凡五府帶俸都督僉事俸糧。嘉靖三十六年題准。除原係軍功陞授。及皇親特陞實授者。俱照舊關支外。
其餘推陞署職。止照原職指揮等官。於原衛所關支。其柴薪銀兩於本府關支。○又題准。京營各帶府衙署職俸糧。只照原職於本府關支。其各處總兵官俱照前例。於原衛關支。○萬曆十年題准。各處總兵官以南京府衙陞出者。改註北府。支給柴薪。

凡各處閒住都督指揮等官。但係功陞者。與支本等俸糧。其餘推陞遇例等項。不拘養病回籍聽勘。只支

祖職俸糧有廢棄起用者。雖署流官職銜。其俸糧仍照祖職支給。

凡在京都指揮等官。推選各都司管事。其有願留俸糧養親者。兵部行移戶部。查照各都司。該得本等俸糧。並以三分爲率。止存一分。原衛關支。其餘二分。并折色俱在。見任都司關支。○嘉靖九年題准。外衛選調別衛者。亦得分俸。

凡閒住指揮千百戶等官。隆慶四年題准。京衛報五府兵部。外衛報守巡兵道。三年閱視一次。弓馬習熟。謀勇兼資。素行無議。列爲上等。准食全俸錄用。次則騎射多中。而無大過。亦准支俸。其有下等庸惰自廢。而騎射無能者。與支半俸。若三年不與閱試。而衛所通同冒支俸銀者。一體坐贓治罪。○萬曆九年議准。考選退閒武職。分爲三等。平常及穉少者。准與全俸。候缺取補。老疾者。止支半俸。貪殘不法者。月支俸一石。餘俸住支。不許管軍管事。衰老庸劣。不堪操備者。卽行住俸。勒令承替。

凡軍官侵盜錢糧。監追未完。子孫襲職者。扣俸還官。○萬曆八年議准。武職犯該監守自盜等罪。問擬永遠充軍者。追贓不論年月久近。贓數多寡。務要追完。方許保送應襲之人襲職。不許扣俸抵補。其犯該因公科索等罪。問擬立功降調以下。贓百兩以上。監追一年之外。不能完官者。許扣俸抵補。如贓少家富。仍追併完納。有正犯子孫故絕。而別枝子孫當襲者。先准襲職。然後扣俸抵補。如或贓銀至數百兩。米至數百石以上。而承襲之人。官卑俸薄。不能補完。當先儘正犯家產估賠。并將俸扣十分之五。其餘應否開豁。

勘明奏請。

凡立功未滿身故。子孫襲替者。與支半俸。扣至限滿全支。其立功遇宥官。正德二年題准。行該衛所扣算。自到彼立功。及遇宥回衛。已過五年之上。又能改過自新者。照例與支全俸。其未及五年。全未及立功者。亦須扣算五年之數。方許收支。若長惡不悛。雖及年限。亦不准與。該衛所有朦朧收支者。參問枉法贓罪。凡武舉中式。應加米數。月支三石。萬曆元年題准。中式武舉官生。若委用之後。已經革任。後復推用。雖在年限之內。不得復支武舉米石。告養病者。病痊之後。如係支過五年之外。才力雖堪。但許聽候推用。所加米石。難復開支。其餘未經推委。或回部聽候別用者。與無薦舉同。俱扣至十年而止。○十二年題准。考選革退武職。除世職。照舊准支原俸外。其他効勞。傳奉武舉。及緝捕有功。或冒襲冒陞。已經考革者。查照文官考察革任事例。不分在京在外。俱不許復支俸糧。

【陞除】

武職官每歲六選。與文選同。官有流。有世。世官指揮使。同知。僉事。正副千戶。衛鎮撫。實授試百戶。所鎮撫。凡九等。流官都督。同知。僉事。都指揮使。同知。僉事。各三等。正副留守。二等。流官以世節陞授。後以武舉兼用云。

凡武官除授。洪武二十六年定。武官或有功陞除。或調除別衛。或爲事復職。若見缺官員。應合調補。遇有

前項官員到部。須要審取從軍脚色。委官齎赴內府。比對貼黃。中間歸附年月。征克地方。陞轉月日。衛所流官世襲相同。然後具本。明著緣由。連人引至御前。陳奏請旨。轉調除授。或奉特旨陞遷。隨將欽與職事花名。衛所流官世襲。及陞調緣由。就於御前陞選。仍照選簿內條寫傍文。次日入奏。將引選過官員看畢。抄榜給憑。定限到仕。仍行該府轉行所在衛所。催任繳憑。○永樂初定。凡奉天征討。守城征哨。擊人有功。欽陞都督。指揮者。照洪武舊制。與流官見陞。指揮除已定流世者。仍舊未定者。俱與流官。其千百戶。鎮撫儀衛。正副典仗。俱與世襲。若係致仕官。及因官下舍人。除授并義男女。塔等項。襲替者。俱與流官。已行歷功與世襲者。仍前世襲。各衛所官旗軍。有全城歸順。江上朝見。并招船招人。擒首姦惡。逃叛等項。欽陞官員。若係洪武年間。原授職役。今陞千百戶。衛所鎮撫者。俱與世襲。陞指揮者。與流官。革除年間。陞授及德州等處。選署今陞職者。亦與流官。其各都司衛所官。有革除年間。除授及德州等處。選署。曾經管事者。與流官。止終本身。

凡大選。宣德三年。奏定武選條式。一脚色。二狀貌。三才行。四身贈。五襲廢。仍具有無殘疾。從親管及同僚同隊。并首領官保勘。以憑稽考。近例多不同○弘治間定。凡單本選過軍職。遇大選。仍通類具本附選。今類題○

嘉靖元年。議准。一日附對選簿。不盡者。聽明日補續。又明日奏請用寶。

凡傳旨除授。宣德三年。令凡內官傳旨除授。不問職之大小。有勅無勅。皆須覆奏。然後施行。

凡敘功陞授。永樂十年。令總兵官在外遇官軍有功合與官者。先諭告使知。仍具姓名功蹟。奏聞除授。無告諭

凡陞授試職。永樂十年。令武官陞試職未經實授者。須立功方許實授。

凡註府。隆慶三年議准。五府侯伯。會推南京駐劄管事。願于南京各府帶俸者。題請改註。

凡註衛。弘治十三年題准。錦衣衛官。原係本衛千百戶。鎮撫積有軍功。及皇親子孫。乞恩陞至都指揮等官。俱註錦衣衛。若無衛所者。兵部臨時奏請定奪。其餘原有衛所者。註原衛所。不許朦朧比例。乞恩改註。

凡東廠理刑。嘉靖十六年。令東廠理刑陞級官。只照常帶俸。

凡大漢將軍。正德十四年奏准。侍衛三年給冠帶。又歷五年授試百戶。又歷五年奏請實授。

凡各陵衛官。選調別陵衛管事者。嘉靖二十五年。令仍在原衛帶俸。

凡將官陞職。如各邊將官有缺。除候伯都督名位相應外。若都指揮堪任主將。擬陞五府堂上官署職。若指揮堪任偏將。擬陞都司堂上官署職。以便行事。後有戰功該陞。仍從祖職加陞。其有遇例。俱不在實授之例。各都司掌印僉書及內地參遊總兵亦如之。非功能素著。屢經保薦者。雖遇缺。亦不許推用。已推署職者。非有軍功大勞。雖遇恩典。亦不准實授。

凡將領加銜。萬曆九年題准。副總兵官。下總兵一等。不可輕易請加。必有重大戰功。緊要邊工。勘實請加。

其資深請加者必總計其自任都司參遊歷十年以上方許議請加授。

凡在外衛所官功陞成化十四年奏准各衛指揮功陞都指揮者俱改註都司在內者仍舊○又奏准在外衛所千戶功陞指揮者比與指揮陞都指揮流官不同俱令於該衛原係帶俸并帶俸管事者量與軍餘四名不許列銜公座若考選軍政者不在此限○弘治八年題准各衛指揮使功陞都指揮僉事註原衛帶俸照例于本衛撥餘丁六名以爲導從其才謀操履出衆者考選軍政時量授都司軍政雜差○正德六年奏准凡納級都揮雖經推選及分守守備把總都指揮雖有功陞者俱於原衛所帶俸毋得蚤緣濫舉列銜都司惟奏保軍功及原推見任軍政者仍舊。

凡領班漕運都指揮銓註中都留守司河南等都司帶銜仍於本衛支俸照例請勅赴任所領勅書直待交代換給不必每次題請其餘副參遊守都指揮等官俱不得銓註都司帶銜支俸○正德十年議准各處領班官赴京操備者許本都司列銜支俸得銓制各屬衛所官軍如遇考選聽巡撫等官通行查照凡備倭都指揮等官嘉靖十四年題准於附近都司列銜支俸。

凡漕運把總等官萬曆三年題准把總官運糧三年以上果廉能幹濟依期完糧許各該衙門據實保薦准令於實職上陞一級其運官依期過淮過洪完納巡倉御史據實獎勵卽行賞賚仍擬陞署職一級過洪後期完納依期者通候三年准陞署職一級凡經薦舉運官兵部卽行紀錄候陞遷日破格優敘若先

犯降級不係侵欺掛欠許將所陞職級准復原降之數若見有漂流并未掣通關者不得濫舉凡納級指揮嘉靖四十三年題准軍民人等不許濫開止聽衛所職官加納其納級官亦止帶俸不許管事。

凡護衛儀衛司等官洪武初令王具本奏知從兵部選授○嘉靖元年議准儀衛副非由軍功者毋輕授指揮職銜○八年議准王府奏保冠帶書辦官先行撫按查勘果係相應在府旗校餘丁奏請定奪親王通前毋過五名郡王通前毋過三名若來歷不明遊蕩術士及一應素無行止之人提問發遣凡武選禁例弘治間定職官人等不由銓選推舉朦朧奏請以圖進用及夤緣奔競乞恩傳奉沮壞選法者職官問罪降級調衛旗軍舍餘問發邊衛俱帶俸食糧操差

凡將領交代萬曆九年題准除都司外其副參遊守領班都司提調備禦把總除革任提問及緊急調遣不候交代聽督撫委署凡尋常陞調務候新官見面交代違者撫按參革仍將交代日期咨部記查撫按徇情私放聽該科本部查參

凡軍官給憑南京上十二衛并南北直隸衛分給本衛憑五府屬衛給該府憑中都留守司及在外都司屬衛給各司憑○嘉靖三年奏准軍職到任違限半年以上者提問文憑破損者罰俸兩箇月○三十六年令兵部推用將官酌量地方遠近定立期限如有過違巡按御史查參究治

凡武舉中式官生嘉靖元年題准陞署職二級第一名若係百戶以上官照例加陞百戶以下定授副千戶職銜以示崇異其第二名以下總旗授署副千戶小旗署百戶舍餘軍民署所鎮撫係在京衛指揮僉事以上發京營推補號頭千總及委各衛軍政掌印僉書管屯存恤等項或發薊保二鎮任以千總把總守城守堡委用係在邊衛與北直隸臨邊者咨送督撫衙門分隨各將領管操殺賊委守城堡及量任千總把總并各衛所掌印僉書管軍管事係腹裏兩直隸并各省不拘指揮千百戶等官俱發各該巡撫衙門量委各衛所掌印僉書管軍管事其在五名內者先行委用俱候効勞保薦兵部查有將官員缺酌量推用并其餘獲有軍功照例推陞所加署職非有軍功雖遇恩例不得實授

明會典卷之一百十九 兵部二

【銓選二】

【推舉】

流官推舉與文職保舉同。

凡五軍都督府缺掌印官。兵部具奏。會官於見任公、侯、伯內推舉二員。缺僉書官。於各府帶俸公、侯、伯、都督及在京各營都指揮等官。在外正副總兵內推舉二員。奏請簡用。其府軍前衛缺掌印官。亦於侯、伯內推舉。舊例中都留守司正副留守於皇親勳舊及在京武臣內推舉今不行。○嘉靖八年。令五府掌印。并兩廣湖廣等處總兵官缺。除提督團營將官不推外。其餘提督坐營。及都督有才望者。照舊與公、侯、伯一體推用。

凡五府都督等官。正德十六年。令必由都指揮積累軍功。勳庸顯著。及才望超卓者。并錦衣衛亦必由軍功。及異能者。方許陞授。

凡錦衣衛堂上缺掌印僉書官。本衛具奏。下兵部。照五府堂上官例。於本衛指揮使同知僉事等官內。每缺推舉二員。奏請簡用。

凡錦衣衛鎮撫司員缺。弘治六年。令從兵部推舉相應衛鎮撫銓補。如無。於各衛所見任千戶內推選具

奏改授。○嘉靖二十一年議准。本司係詔獄理刑之官。有缺。行該衛掌印官。先於本衛各千戶內。從公推選考試。送兵部。再加詢訪考試。於內簡拔二員。疏名上請定奪。

凡錦衣衛五所當駕千百戶所鎮撫。洪武以來舊額。本衛堂上官。就於各所原係錦衣衛官子孫承襲。平日行止端方。人物爽利。備知事體。帶俸官內。推選具奏。行部銓補。○嘉靖十二年題准。錦衣衛空閒帶俸官。除犯徒罪者。開送營操。其無過犯者。各照舊帶俸。每月朔望點閱一次。習練駕儀。以備推用。

凡各都司掌印。僉書等官缺。本處有相應官。聽各鎮巡官保舉。兵部議擬奏請簡用。本處無官具奏。兵部查訪中外相應官兼用。或遇事故犯罪。被劾急缺者。兵部卽行推用。其都司掌印。僉書官。并留守司正副留守缺。兵部於各守備內。留守僉書於指揮內。查其賢能有守。曾經撫按薦舉。及訪係才望出衆者。奏請簡用。後有貪濫不職。聽巡按指實參奏。仍候兵部查訪相同。具題革任。

凡各處管操領班等項納粟官。正德三年。令果有奇才異能。累立軍功者。各該鎮巡等官。奏舉簡用。不許貪緣濫舉。

凡武職御覽揭帖。弘治十八年。令兵部按季將兩京五府各營。及親軍衛分堂上管事。并在外鎮守。分守。守備方面官。開具姓名履歷揭帖進覽。○嘉靖八年題准。將前項武職官履歷貫址年歲。及曾經舉劾考語。開造揭帖二本。每孟月一日。送兵科。次日早朝。掌科官將一本御前奏進。一本留科查考。

凡武官賢否文冊。萬曆九年題准。本部將材簿登註將領職名脚色歷履薦章。以備推用。通行邊腹撫按。著落司道。備將所屬見任將領等官。通查職名脚色履歷。到任年月。造冊送部。仍每季終。將各官內有陞調。閒住。罰俸。住俸。提問。追贓。立功。降級。調衛。充軍等項。有礙推陞節略總具一冊。卽將各官賢否填註。副參。遊擊。都司。守備。提調。備禦。把總。各四句。中軍。千總。指揮。鎮撫。千百戶。各二句。有堪邊腹及貪暴實跡。皆註考語之末。總具一冊。一併送部。其各鎮總督亦於每季將各官賢否揭部參考。

【考選】

軍政考選。與文職考察同。成化二年。令軍政官五年一次。通以見任掌印帶俸差操。及新襲職官一體考選。十三年。令兩京通考。自是以爲常。考選之法。兵部預先通行南北直隸。浙江等處。巡撫都御史。轉行都布按三司。掌印官。各將所屬衛所。副參遊以下。千戶以上。賢否履歷。訪察明白。各註考語。徑送撫按官處。另註考語。造冊三本。限四月終旬。差人齎部。至期各參遊。都司。守備。操守等官。兵部會同兵科參詳去留。上請定奪。仍聽科道拾遺。其都司衛所官。撫按照例會官。從公考選進退。仍將考選官員職名。造冊奏繳到部。覆奏定奪。若孝陵衛官考選。自弘治十二年始。錦衣衛官考選。自正德十年始。騰驤四衛官考選。自嘉靖八年始。洪武。永樂年間。額設管軍百戶。父祖相承。未經改調。舊例不考選者。一體考選。自嘉靖九年始。內外衛所。五年考選。衰老庸劣。不堪操備者。卽行住俸。勒令應襲兒男承替。自隆慶六年始。

凡考選軍政額數。嘉靖三十八年。申明成化年間。舊例每衛。不拘指揮使。同知。僉事。共三員。掌印一員。佐貳二員。衛鎮撫一員。如無鎮撫。選相應千戶署管。每所正副千戶一員。所鎮撫一員。百戶十員。專管軍政。錦衣衛各所千百戶。不時上直。不限員數。騰驤等四衛。養馬。設軍政指揮共五員。掌印一員。僉書四員。府軍前衛。所屬二十五所。每五所指揮二員。衛鎮撫二員。通州衛。路衝。又兼上直。亦設軍政指揮共五員。掌印一員。佐貳四員。衛鎮撫二員。每所千戶三員。所鎮撫并百戶。隨其有印者。照數定選。俱不許增損。

凡五府大臣。并管理府軍前衛侯伯。與錦衣衛堂上掌印僉書官。嘉靖二十九年。題准。每遇考選軍政之年。俱聽自陳。去留取自上裁。其有不協公論者。許言官糾拾。○萬曆七年。令各省直總兵官。照例自陳。凡五府屬衛。成化十三年。議准。兵部會同五府官。通行考選。軍政官如舊額。俱限年二十五歲以上。五十五以下。有六十以上。精力未衰者。驗實存留。見任不敷。許選別衛。先儘見任。次帶俸。凡遇在外五年考選之期。在京亦復舉行。南京衛所。照例。其終身帶俸官。降犯貪淫五年之外。能改過自新者。從撫按官保用。凡京衛軍政官。成化十四年。議准。每衛各選指揮一員。專管屯田馬政等事。一體僉書。凡騰驤等四衛官。成化十六年。令有不職者。聽兵部及科道察訪舉劾。○嘉靖八年。議准。遇考選之年。照各衛考選。如有堪任將領等官。一體推用。

凡兩京五府所屬。并上直衛所官。嘉靖二十九年。題准。悉從巡視京營科道。及兵部驗軍委官。一體采訪。

填註考語送部考選。○三十三年題准前項各官。凡遇考選不得輕相更調。每季造報文冊。將營操各衙門雜職武學肄業等項。盡數開造於見任之後。如遇下次考選。先儘本衙雜差營操各項官。并原調衙所不拘幾輩。盡數掣回選補。其官少事簡衙分。千百戶印信。各令帶管。指揮以上。掌印僉書。方許於官多衙分量調一二員管事。子孫仍於原衙襲替。

凡錦衣衛官。成化十三年。令見任管事。有係中官并文武大臣。弟男子姪。及各衙欽陞者。兵部會同該衛堂上官。嚴加考選。果廉能可用。仍舊不堪者。俱令帶俸。○嘉靖二十九年題准。錦衣衛除皇親帶俸。原不管事。達官營操。不係管理軍政等官。難以考選外。其餘若指揮在所管事。并千戶以下等官。不拘見任。閒在。俱聽本衛堂上掌印正官。從公開註賢否履歷。先期送部。臨期會同議擬。與騰驤四衛一併嚴加考選。果有廉能可用。仍舊管事。如行止不堪。一體帶俸革任。○又題准。南北鎮撫司與象房管事。指揮。兵部臨期會同錦衣衛堂上掌印正官。逐一考選論奏。去留取自上裁。

凡在外都司衛所缺軍政官。正德八年。令行巡按御史及按察司等官。公同考選。每都司及衛。俱掌印官一員。佐貳官二員。每千戶所。俱掌印官一員。非遇緊急軍情。不許輒調。○弘治十八年議准。都司衛所軍政官。務精選才能。或由武舉。并經保舉者。照京衛例調改。如舊官不才者。盡發操備。其首領官。亦銓選科貢正途。年力相應者。與軍政官。頡頏行事。仍行撫按嚴加察舉。○嘉靖六年奏准。在外軍政官考選員缺。

本年八月終。巡按御史類奏推補。○十六年。令都察院轉行各處巡按御史。置立格眼文簿。用印鈐記。發各都司掌印官收掌。遇大小軍職。問擬罪名。逐起登記。年終。類報撫按查考。候考選之期。呈送鎮巡會考。若立功三次。奏請降一級。未及三次。查果改過有實蹟。方許舉用。其南北直隸衛所。付該管兵備收掌。兩京法司。每年終。問過軍職。開送兵部。各查照紀錄施行。

凡湖廣、荆襄、鄖陽、河南、南陽、陝西、漢中、西安各該守禦等衛所。并都司。隸巡撫鄖陽都御史所轄者。正德六年。議准。一體會同考選。○嘉靖二十年。題准。將承天、顯陵二衛軍政。卽行巡撫都御史考選。其與都留守司一應事務。俱聽本官節制。撫治都御史不必干與。

凡有漕運地方。成化十六年。添設佐武都指揮一員。專管漕運。不與軍政。其考選推補附郭者。鎮巡總兵三司掌印官主之。若非附郭并遠方者。鎮巡總兵分巡分守官主之。

凡管屯官。嘉靖二十四年。題准。遇考選軍政內。有武藝不精。而廉幹可取者。用之管屯。以五年爲期。方得遷轉。每年終。將該屯糧斛已未完數目。開造文冊。一樣三本。一申督理屯政衙門。一送該衛戶房收貯。一自執備照。如遇年月該遷。預申督理衙門。就令將任內卷冊。交付後來管屯官。俱查照明白。方許離任。若有朦朧私相交代者。查出各問。以沈匿枉法罪名。其各該上司官。不係前擬擅自改調差委者。許屯田御史參劾。○三十八年。題准。屯田官各該衙門不得坐名差遣。如遇遷轉緣事等項。就於見任軍政官內。選

稱壯勤幹官員暫管候推選之日。照例會官考選管屯官。不許營求別差。希圖推調。亦不許將見在耕種屯軍擅自差派領運。駕船幫貼城操等項。以妨屯務。違者聽巡按御史參究。○隆慶二年題准。兩京并各省衛所管屯官。不拘指揮千戶。察其才力大小。屯糧多寡。分委隔別衛分。催徵依期完解。每年考選分差之後。各該御史仍將委定衛所并選過官員職名。呈院咨部。以別賢否。

凡考定官員。俱要在任分理兵政。非有緊急軍情。不許擅差。在京者免其上直赴操。若係在營隨差之數。卽令替回。其餘除馬政帶管外。如屯田領班操備巡鹽捕盜管局運糧備倭等項。一體考選。量才委用。前項雜差官員。在任之日。許令公座僉書一應文案。不許干預。其他軍政以外。跟隨鎮守守備內外管官。大小軍職。不許營求軍政。考選已定者。亦不許營求跟隨。有妨軍政。○萬曆元年題准。通行各撫按衙門。凡考選軍政。以印屯爲主。擇有心計堪以幹濟者。先註各衛所掌印管屯。有膂力堪以抗禦者。定委各路管軍。其次乃以充各衙門旗牌差遣。不得越次取用。其見在督撫鎮巡各道役使者。止許量留數人。餘皆發回聽委印屯之用。其掌印管屯官。果有盡心幹理于軍政屯務有裨者。撫按官卽與保薦。兵部登記。將材簿內。遇有守備把總坐營員缺。酌量相兼推用。

凡軍政急缺。成化十五年。令在外從撫按定委奏保。兩京從各衛軍政首領官保舉。五府覆勘。係親軍者。兩京兵部覆勘定奪。不拘五年。後犯貪淫等罪。連坐舉主。

凡過犯考選。成化八年。令帶俸武職。先雖犯罪。後能改過自新。父祖雖爲事。或脫逃。子孫能自立行止。有守有爲者。並許考選管事。○又議准。有犯監守自盜。受財枉法。及求索科斂。誑騙等項。流罪減至杖一百。徒三年。贖罪還職。例應帶俸。不許管軍管事者。若係腹裏。仍分撥各邊。上班操備。不許營求管隊等項。遇警與邊衛帶俸差操官。隨軍殺賊。下班回衛。五年內。能改過自新。照例會選軍政管事。如再犯。終身輪班赴邊操備。不許會選。○弘治十五年。奏准。軍職犯立功問革管事。五年之內。改過自新。方許推委。不許鎮巡等官假名暫委。占爲頭目。縱令害人。

凡考選禁例。弘治十三年。申明。軍職五年考選。有營求囑託者。指名黜退。永令帶俸。其不得與選。生事教唆。陷害已選官員者。問罪不分官軍。俱調邊衛帶俸食糧差操。凡帶俸官。俱不許管軍管事。○嘉靖九年。題准。考選之後。或以己名。或主使人羅織生事。投詞告害者。在京聽兵部。在外聽撫按官參究。照例調發邊衛。

【降調】【立功爲民充軍附】

凡降級。洪武二十七年。守衛榜例。管軍官犯罪。指揮降千戶。調邊衛。千戶降百戶。百戶降總旗。總旗降小旗。衛鎮撫降所鎮撫。所鎮撫降總旗。俱調邊衛。今止照所犯論。不拘遞降。○正德十一年。令署職。至實授。皆准一級遞降。○隆慶元年。題准。武舉中式舍人。人民人。加陞署所鎮撫。後犯該降級。原無實職。可降。卽將武舉職級。

并米石革去抵罪。

凡役占軍士降級。成化三年令。坐營把總以下官。役占軍士。自一名至五名。俱降一級。五名以上。降二級。甚者。罷職充軍。仍發邊衛守禦。○弘治十三年。奏准。都指揮跟隨軍伴六名。指揮四名。千百戶。鎮撫二名。不管事者一名。俱用餘丁。不許摘撥正軍。但有額外。多占正軍五名以下。問罪。降一級。六名之上。降二級。甚至十名以上者。止於降三級。其賣放軍人。包納月錢者。亦照前名數分等降級。甚者。罷職發邊衛充軍守禦。又軍職役占餘丁。至五名以上者。問罪。降一級。十名以上者。降二級。二十名以上者。降三級。三十名以上者。奏請發落。若受財賣放者。仍照前項名數分等降級。又軍職賣放并役占軍人。二罪俱發。其賣放已至十名以上。役占不及數者。依賣放甚者例。罷職充軍。役占已至十名以上。賣放不及數者。依役占甚者例。減降三級。賣放役占。俱至十名以上者。從重發落。俱不及十名者。併數通論降級。役占軍人五名。又占餘丁十名。及包納月錢滿貫者。從重降級。仍發立功。滿日照所降品級。於原衛所帶俸差操。

凡缺少班軍降級。嘉靖三十一年題准。以十分爲率。衛所掌印官六分以上。提解來京問罪。降一級。調發邊衛。中途不到者。罪坐劊付官。○三十三年議准。衛所官俱免解京。就彼作速問擬。具奏定奪。○四十年議准。衛所軍少。掌印官五分以上。問罪。降一級。八分以上。降二級。調發別衛。○隆慶六年題准。行各處督撫官。將營衛將領千把總官。所部軍逃亡三分以上者。降一級。五分以上。降二級。歲終會同具奏。

凡拖欠屯糧降級。隆慶初議准。各衛所屯糧。通限當年完足。如未完四分以上。管屯官降俸二級。掌印官住俸。各戴罪催督。未完六分以上。管屯官降二級。革任差操。掌印官降俸二級。戴罪管事。其住俸降俸官。俱不許別差。通候完至九分以上。住俸者。方准開俸。仍將住過日期。查照補支。降俸者。准復原俸。止以完報之日爲始。未完八分以上。管屯官降二級。仍調邊衛。係調邊衛者。改極邊。俱帶俸差操。掌印官降二級。革任差操。都司掌印管屯官。總計所屬衛所。完欠分數。一體查參。如各官或新任。署印帶管。止以經手年月扣算。不得一槩偏累。○二年題准。兩京并各省衛所管屯官。拖欠七分者。各降級別用。○萬曆十三年題准。降二級者。完報之日復原職。不許補支俸糧。

凡占用馬匹降級。嘉靖二十九年定。在京坐營管操內外官。并把總以下官。將馬匹私占騎用。及撥與人騎坐。至五匹者。降一級。六匹以上。二級。其各邊鎮。分管守備。把總管隊等官。將騎操并驛傳走遞官馬。私用伺候。及私撥與人騎坐。亦如之。

凡失盜降級。成化二十一年令。各處盜賊生發。如事干城池衙門。殺官。劫庫。劫獄。并積至百人以上者。限一箇月以裏。不獲聽鎮守巡撫。巡按官。將分巡。分守。守備。及府州縣衛所巡司。掌印。巡守。巡捕等官。住俸戴罪。挨拏盡絕。照舊支俸管事。半年不獲者。不分司。府。州。縣衛所巡司。掌印。巡守。巡捕等官。俱聽巡按御史提問。三司掌印官。照依常例發落。其餘每一起。將州。縣守禦千戶所巡司。掌印。巡捕官。并專一地方守備等項。

及府衛巡捕官降一級。每二起府衛掌印官降一級。每三起分巡分守官降一級。俱調邊遠去處。○又令凡京城內外關廂街巷。但有響馬強盜白晝打劫者。巡捕把總等官。兩箇月以上不獲降一級。調外衛。分管地方官。俱住俸。責限緝捕。若不係白晝。及離城鴛遠去處。巡捕把總等官。各住俸。與分管地方者。俱責限緝捕。不獲送問。一年之內。積至五起以上。仍降一級。十起以上。二級。俱調外各邊。及腹裏地方。遇賊入境。殺虜男婦十名以上。牲畜三十頭隻以上。不行開報者。問罪降一級。加前數一倍者。二級。二倍者。三級。甚者。罷職。其總兵官。知情扶同。參究治罪。

凡領運降級。正德十六年題准。把總指揮千百戶等官。索要運軍常例。及科索銀至十兩以上者。問罪降一級。二十兩以上。二級。三十兩以上。三級。至四十兩以上。止三級。仍發回原衛所差操。不許推用。至五十兩以上。問罪發邊衛充軍。○隆慶二年題准。領運官侵扣運軍月糧。行糧多。索船料等項銀兩。計贓多寡。如監守自盜例。各衛所官。應該赴運。奸懶託病者。指揮降三級。衛鎮撫千戶二級。所鎮撫百戶一級。仍發運。

凡侵欺器物降級。嘉靖二十九年題准。衛所官旗人等。侵欺軍器物料。那前補後。虛數開報。及三年不行造冊奏繳者。官降一級。帶俸差操。各該都司。并分巡分守官。怠慢慢事者。參究治罪。

凡土夷降級。嘉靖二十九年題准。土官土舍。縱容本管夷民頭目。爲盜聚至百人。殺虜男婦二十名以上。

者問罪降一級。加前數一倍者。奏請革職。另推士夷。信服親枝。士舍襲替。若未動官軍。擒獲解官者。免罪。凡調衛。正統三年定。南京及江南直隸。調北京附近衛所。北京直隸并江北直隸山東。調山海。宣府等衛所。山西河南。調大同。延安。綏德等衛所。陝西調甘肅甯夏衛所。浙江江西。調福建廣東衛所。湖廣調貴州四川衛所。福建調廣東廣東調廣西四川調雲南雲南調廣西廣西調貴州。○天順元年。令錦衣衛官爲事復職。雖遇赦。仍調在京別衛帶俸。王府官爲事復職者。亦調衛。

凡告願調衛。洪武三十五年。令在京武職。有願調除外任者聽。其原管事或帶俸。仍舊。○嘉靖十二年題准。腹裏衛分指揮。願改邊衛殺賊者聽。○二十五年題准。在京告調外衛。不准行。

凡多餘官員量調。天順四年。令額外多餘武職。聽于有糧衛所添註。○嘉靖十年。奏准。在京親軍旗手等衛。并府屬衛所。將多餘見任官員。開具履歷揭帖送部。如遇缺官數多。衛所照考選例。將多餘見任人員。量爲斟酌調補。子孫襲替之日。有願回原衛。或願在今調衛所。俱從其便。其五年一次考察。不在此例。凡王親改調。弘治七年。令王親同城居住。及附近者。查係見任調五百里外管事。若願帶俸者。存留。其王妃夫人。郡主縣主。亡故年久無親生子者。王親子孫。並許推用管事。不在帶俸改調之例。○嘉靖九年。議准。邊方衛所官。與王府結親者。不准本衛所帶俸。俱調五百里外管事。

凡犯罪問調。成化十一年。令指揮以下。都指揮以上。宿娼。俱調別衛。帶俸差操。犯奸盜和買樂娼。○弘治

中奏准。各邊將領。有遣人人京。蚤緣干進者。調雲貴兩廣地方安置。所遣人發邊衛充軍。○正德元年。令達官犯罪。應調極邊衛所者。北方非宜。兩廣太重。俱編發山東邊海等處。帶俸差操。○十六年。令軍官曠職半年以上。奏調邊遠衛所抗拒不行。阻壞法令者。緝捕逮治。仍解原調衛所。帶俸差操。如再逃避。調廣西邊衛。遇赦不宥。○嘉靖二十二年。以各陵衛官。利於調衛。規避繁難。題准陵官曠職。免調。止問擬本等罪名發落。王府護衛儀衛司軍職。有犯私罪以上。奏行兵部。上請改調。若犯因公罪。准罰贖還職管事。○二十九年。題准軍職上馬用交床。出入擡小轎者。役人問罪。官參問。京衛調外衛。外衛調邊衛。俱帶俸差操。

凡立功。弘治六年。題准在京法司。問過京衛并直隸衛所軍職。該雜犯絞斬者。俱送兵部。照例判發宣府。薊州。遼東等處各該總兵等官。定撥沿海沿邊衛所立功。五年滿日。回衛帶俸差操。在外問刑衙門。問發前項軍職。就彼酌量沿海沿邊衛所。照例發遣。惟達官有犯。押發廣西邊衛立功。其大同宣府二處軍職。問發犯該絞罪者。係大同。送宣府極東衛所。係宣府。送大同極西衛所。各從本鎮總兵官。定發立功。五年滿日。送回帶俸差操。其餘腹裏并各邊地方。俱照舊例發遣。若軍職年七十以上。十五以下。及廢疾者。免發立功。

凡爲民。弘治間定軍職犯敗倫傷化者。非法用刑打死人命者。皆發回原籍爲民。如刑傷未死者。降級調

用強盜自首犯罪脫逃及充軍遇宥者亦爲民。○正德二年令軍職爲民無原籍者本衛所隨住。○萬曆十二年題准凡軍職犯該爲民者俱改本衛所隨舍餘差操。

凡充軍軍職犯守備不設者充邊遠軍犯侵欺錢糧饒死者俱充永遠軍。

凡犯罪遣發嘉靖十五年議准軍職立功降調爲民等項奏允卽便遣發依限責取收管繳報內有應追贓者嚴併完納其立功候限滿回衛後果能自新一體送用爲民者候年六十或終身之日子孫襲替各不許夤緣管事朦朧起送。

凡紀過文册嘉靖三十一年題准咨都察院轉行兩京問刑衙門及各巡按御史每月終將問過軍職情罪略節類開奏報并繳兵部置立紀過文册一本凡遇繳到該司掌印官摘其有關襲替者將所犯情罪一一登記呈堂備照。

